

8(713)

2025

Հրատարակվում է
1999թ. սեպտեմբերից

Лусарар

Հանաչել զիմաստություն եւ զխրաք, իմանալ զբանս հանճարոյ

ԿՐԹԱՄՇԱԿՈՒԹԱՅԻՆ ԹԵՐԹ

Lusarar

ԼՈՒՄԱՐԱՐ

ԳԻՏԵԼԻՔԸ՝ ԱՉԳԻ ՄՇՏԱԳՈՅՈՒԹՅԱՆ ՊԱՅՄԱՆ

Տասնամյակներ շարունակ, երբ գալիս էր սեպտեմբերը, Արցախում մանուկ ու մեծ անսահման երջանիկ էին: Եվ դժվար էր ասել՝ երջանկության այդ զգացումն առավելապես Գիտելիքի օրվան նվիրված հանդիսությունից՝ երբ գալիս, թե՛ Անկախության հռչակման առթիվ կազմակերպված տոնական միջոցառումներից: Երևի երկուսը միասին, որովհետև այդ երկուսով էր հենց ամբողջացնում Հայրենիքը: Հիմա, ավա՜ղ, միայն թանկ հուշերն են ջերմացնում նրանց՝ լուսանկարների, տեսանյութերի տեսքով վերապատկերելով երջանիկ պահերի դրվագները:

Սեպտեմբերի 1-ին հայաստանյան կրթօջախներում կրկին կողողանցի ուսումնական տարվա սկիզբն ավետող ուրախ զանգը: Իրենց դասընկերների հետ լուսառատ դասարաններ կմտնեն նաև Արցախից բռնատեղահանված դպրոցականները: Ամառային անհոգ օրերին կփոխարինի դպրոցական հագեցած առօրյան: Իսկ ահա Գիտելիքի օրվան հաջորդող տոնական հրճվանքը չի լինի, նրանց թրթռուն շուրթերից չեն հնչի օրհներգի կարոտալից բառերը:

Ազատ ու անկախ Արցախ,
Քո տուն-ամրոցը կերտեցինք,
Պատմությունը մեր երկրի,
Մեր սուրբ արյամբ մենք սերտեցինք:

Հայրենաբաղձության հուզմունքը լռին կթափահարի նրանց հոգու թևերը՝ մտովի ճախրելու հարազատ ծննդավայրի խաղաղ երկնքով, քայլելու մանկության անջինջ արահետներով: Երազանքը հիրավի՝ անհնար է խլել մարդուց՝ անկախ նրա տարիքից, որովհետև երազանքի մեջ միշտ նպատակ կա ու ձգտում...

Ասել ու կրկնում ենք. Հայաստանի Հանրապետության բոլոր կրթօջախներում սիրով են ընդունել արցախցիներին՝ ուսուցիչ, թե աշակերտ: Եվ այդ անփոփոխ գուրգուրանքով պարուրված, ուսումնական տարին ավելի հետաքրքիր ու բովանդակալից կդառնա: Գիտելիքը, Սուրբ Մեսրոպ Մաշտոցից մինչև մեր օրեր, կենսամպատակ է եղել հայ ժողովրդի համար: Գիտելիքն ուղղակի իմաստով ազգի մշտագոյության կարևոր պայմանն է, և այն անխտոր ուղեկից կլինի նաև գալիք դարերում ու հազարամյակներում:

Բարի՛ երբ մոր ուսումնականին:

«ԼՈՒՄԱՐԱՐ»



Կնքվեց հուշագիր

ՆՊԱՏԱԿԸ ՄՏԵՓԱՆԱԿԵՐՏԻ Վ ՓԱՓԱՉՅԱՆԻ ԱՆՎԱՆ ԴՐԱՄԱՏԻԿԱԿԱՆ ԹԱՏՐՈՆԻ ՊԱՇՊԱՆՈՒՄՆ Է

Օգոստոսի 19-ին Երևանում Հայաստանի թատերական գործիչների միության (ՀԹԳՄ) նախագահ Հակոբ Ղազանչյանն ընդունեց Մոսկվայում գործող «Դիալոգ» հասարակական կազմակերպության նախագահ Յուրի Նավոյանին: Հանդիպման ընթացքում երկու կազմակերպությունների միջև կնքվեց հուշագիր՝ միտված Ստեփանակերտի Վահրամ Փափազյանի անվան դրամատիկական թատրոնի վերագործակցմանը: Ներկա էին թատրոնի դերասաններ՝ գեղարվեստական ղեկավար Ռուզաննա Խաչատրյանի գլխավորությամբ:

Իր ողջույնի խոսքում ՀԹԳՄ նախագահ Հ. Ղազանչյանը ներկայացրեց «Դիալոգ»-ի նախագահ Յու. Նավոյանին, կարևորեց նրա հայրենասիրական գործունեությունը՝ միտված հայ մշակութային, մասնավորապես, արցախյան խնդրերին աջակցելուն: Նշեց՝ չնայած բազում խոչընդոտների, որ Մոսկվայում առաջ են

գալիս Ադրբեյջանի դեսպանատան կողմից, Նավոյանը հաղթահարում է դրանք: Արցախի բռնի հայաթափումից հետո հանրապետու-



թյան մշակութային ավանդական կառույցների գործունեությունը կամ դադարել է, կամ աշ-

Ու թեպետև պատառ-պատառ
Մեր դըրոշը սըրբազան,
Ու մենք չունենք տեղ ու դադար՝
Երկրից երկիր ցիրուցան:

Բայց զընուն ենք մենք անվեհեր
Ձարկերի տակ չար բախտի,
Մեր աչքերը միշտ դեպի վեր՝
Դեպի լույսը մեր ուխտի:

խատում են ոչ լիարժեք: Հ. Ղազանչյանը տեղեկացրեց, որ Յու. Նավոյանի աջակցությամբ, արդեն ակտիվ գործում է «Արցախ» ջազը, և հանդիպման նպատակը Ստեփանակերտի Վ. Փափազյանի անվան դրամատիկական թատրոնի պահպանումն է՝ վերածնունդը: Իսկ դա կախված է նաև թատերախմբի աշխատանքից, ու հույս հայտնեց՝ առաջին ներկայացումը լինելու է հաջողված, իր ղեկավարած միությունն էլ կօգտագործի բոլոր լծակներն աջակցելու համար: Հավելեց նաև՝ «Գալյա Նովենց» թատերական դպրոցում իր ղեկավարությամբ գործելու է առանձին կուրս հատուկ արցախցի երիտասարդների համար, որտեղ դասախոսելու է Ռուզաննա Խաչատրյանը:

Իր խոսքում Յու. Նավոյանը մեծ պատիվ համարեց հանդիպումը թատերական գործիչների հետ: Նշեց, որ Արցախի հետ կապված է աշխատանքային բազում ծրագրերով:

3

ԱՐՅԱՆՅԻ ՄԱՐԶԻԿԸ՝ ՄԱՐՏԱԿԱՆ ՍԱՄԲՈՅԻ ԶԵՄՊԻՈՆ



Հայկական մարզաշխարհում կրկին տոն է. սամբոյի հերթական նվաճումն արձանագրվեց շնորհիվ արցախցի մարզիկ Արման Ավանեսյանի:

Արման Ավանեսյանը ծնվել է 1999թ. դեկտեմբերի 24-ին Արցախում: 8 տարեկանից հաճախել է ծյուղոյի մարզումների վաստակավոր մարզիչ Իվան Ազիզբեկյանի մոտ: Զյուղոյում լավ արդյունք է ցուցաբերել, ինչն էլ լավ հիմք է հանդիսացել հետագա տարիներին իր ուժերն փորձելու նաև մարտական սամբոյում: Տաղան-

դավոր մարզիկը հաջողություն է ունեցել նաև մարտական սամբո մարզաձևում:

2025թ. օգոստոսի 13-14-ը Զինաստանի Չենգոլու քաղաքում կայացած «Աշխարհի խաղեր - 2025» մրցաշարում 98 կգ քաշային կարգում Արման Ավանեսյանը մարտական սամբո մարզաձևում դարձավ չեմպիոն:

- Արման, նախ շնորհավորում ենք հաղթանակի առթիվ: Հենց էր մրցակիցներին հաղթելը:

- Շնորհակալություն: Այս մասշտաբով կազմակերպվող մրցաշարերին կարող են մասնակցել միայն վարկանշավոր մարզիկներ: Պետք է նշել, որ չեմպիոնի կոչման համար պայքարում էին իսկապես ուժեղ տիտղոսակիր մարզիկներ: Առաջին մարտը ուկրաինացի աշխարհի կրկնակի չեմպիոն մարզիկի հետ էր: Նրան հաղթելուց հետո կիսաեզրափակչում հանդիպեցի կամերունցի մարզիկի, իսկ եզրափակչում՝ ռուս տիտղոսակիր մարզիկի, որին պարտվել էի մախորդ մրցաշարերին, բայց այս անգամ կարողացա հաղթել նրան ու

հռչակվել չեմպիոն: Հաղթանակին հասնելու ճանապարհը չի կարելի հեշտ անվանել, բայց փաստն այն է, որ երկար ու նպատակասլաց մարզումները տալիս են իրենց արդյունքը, ինչին պետք է մշտապես ձգտել:

- Զյուղո մարզաձևով պարապած լինելը բավարար է մարտական սամբոյում հաղթելու համար:

- Միայն ծյուղոյի մարզումները բավարար չեն, բայց ծյուղոն կարող է լավ հիմք տալ հետագայում նաև 3-4 տարի հարվածային տեխնիկա սովորելով՝ սամբոյում լավ արդյունքի հասնելու համար: 8 տարեկանից պարապել են ծյուղո: 2020թ. սկսել են զբաղվել սամբո մարզաձևով, 2022թ.՝ մարտական սամբո:

- Ձեր ունեցած բազմաթիվ մարզական նվաճումներից որո՞նք եք առանձնացնում:

- Սպորտում ցանկացած նվաճում կարելի է առանձնացնել որպես փորձի ավելացման եւ մոր ձեռքբերման օրինակ: 2023թ. մարտական սամբոյի Եվրոպայի չեմպիոն են դարձել, Աշխարհի առաջնությունում՝ երրորդ տեղի

մրցանակակիր: 2024թ. Եվրոպայի առաջնության երկրորդ, իսկ Աշխարհի՝ երրորդ տեղի մրցանակակիր են դարձել: 2025թ. Եվրոպայի չեմպիոն, Համազգային խաղերի չեմպիոն, Աշխարհի գավաթի արծաթե մեդալակիր են: Զյուղոյի ՀՀ 5-ակի չեմպիոն են, Զյուղոյի Հայաստանի սպորտի վարպետ, մարտական սամբոյի միջազգային սպորտի վարպետ: Ուզում են շնորհակալություն հայտնել իմ բոլոր մարզիչներին, ֆիզիկականի մարզիչ Արթուր Նժդեհին, բոլոր նրանց, ովքեր ներդրում ունեն իմ հաղթանակների հասնելու ճանապարհին:

- Առաջիկայում ի՞նչ անելիքներ ունեք:

- Պատրաստվում են մասնակցել սեպտեմբերի 13-ին Երեւանում կայանալիք պրոֆեսիոնալ հառը մենամարտերի MIX FIGHT 58-րդ միջազգային մրցաշարին: Նոյեմբերին կմասնակցեն մարտական սամբոյի աշխարհի առաջնությանը:

Սոնյա ԱՎԱԳՅԱՆ

ՉՄՈՌԱՅՎՈՂ ՀԻՇՈՂՈՒԹՅՈՒՆՆԵՐ



Ռուզաննա Յովհաննիսյանը ծնվել է 1989թ. նոյեմբերի 30-ին Ստեփանակերտ քաղաքում: Ավարտել է Ստեփանակերտի հ.3 դպրոցը: Սովորել է ԱրՊՀ քիմիայի և կենսաբանության ֆակուլտետում և ստացել կենսաբանի մասնագիտություն: 2012թ. ամուսնացել է հայրենիքի պաշտպանությանը նվիրված՝ ԱՀ ՊԲ սպայի հետ, ունեցել երկու զավակ:

Մեր գրուցակից Ռուզաննան, ծնվելով Արցախի համար պատմական ժամանակաշրջանում, երբ ծնողները մասնակցում էին Արցախի ազատագրական շարժմանը, չէր կարող չսերմանվել հայրենասիրական գաղափարներով: Ռուզաննան իր հասակակիցներից շատերի նման պատերազմի այն սերունդն է, որոնց վաղ մանկությունն անցել է նկուղներում, իսկ թոքով լեզվի առաջին խոսքերն ու արտահայտությունները «Ալազան», «Կրկճանից խփում են», «Գրադ» եւ նման բառերն էին:

Արցախցիներին պատուհասած ճակատագրային պատերազմները անմասն չեն թողել նաեւ Ռուզաննային ու նրա ընտանիքին: Հայրենամարտի սպայի կին լինելն արդեն իսկ հասկանալի է դարձնում, թե ինչ դժվարությունների պետք է հանդիպեր, երբ Արցախը վտանգված էր, իսկ ամուսինը գրեթե միշտ թեժ կետերում կռիվ էր տալիս: 2016-ի ապրիլյան բառօրյա պատերազմի ժամանակ արդեն ծնված էր նրանց դուստրը: Ռուզաննան, փոքր երեխան ձեռքին, շատ անհանգիստ պահեր է ապրել, մինչեւ որ ռազմական գործողությունները դադարել են և ամուսինը կարողացել է տուն գալ:

Չնայած նրան, որ օդում միշտ էլ կախված էին սպառնալի պատերազմի մասին լուրեր, այնուամենայնիվ Արցախում ապրելու ու երեխաներ դաստիարակելու նրանց ցանկությունը վեր էր անեն ինչից: 2020թ. 44-օրյա պատերազմի ժամանակ արդեն ծնվել էր նրանց որդին: Իրավիճակը կարծես կրկնվում էր: Ամուսինը պատերազմն սկսվելու առաջին պահից մեկնել էր ճակատ: Ռուզաննան հիմա էլ երկու փոքր երեխաների հետ էր մեծակ մնացել ու ստիպված իջել իրենց շենքի ապաստարան: Սակայն այս անգամ դրությունն ավելի լուրջ էր. ռմբակոծվում էր նաեւ Ստեփանակերտը: Մարդիկ դուրս էին գալիս Արցախից: Ռուզաննան երկար մտածեց, բայց ի վերջո նա էլ երեխաների հետ տեղափոխվեց Հայաստան: Պատերազմն դադարելուց հետո վերադարձան Ստեփանակերտ, հարազատ տուն՝ հասկանալով, որ ամեն ինչ այլեւս առաջվանը չէ:

Մեզ հետ զրուցելիս Ռուզաննան իր ապրումներով այսպես է կիսվել. «Արցախում ապրելը գիտակցված ընտրություն է եղել: Նույնիսկ 2020թ. պատերազմից հետո Արցախ վերադառնալը գիտակցված էր: Մենք գիտեինք, որ հեշտ չի լինելու, բայց երեխաների հետ վերադարձանք՝ հասկանալով, որ առաջնագծում ենք հայտնվել: Մենք ունեինք հողը պահելու պարտականություն: Մենք ունեինք մեր մեծերի՝ պապիկների, տատիկների, ծնողների օրինակը մեր առջեւ, այն է՝ հողը ամուր պահել՝ ապրելով Արցախում: Ամուսինս շարունակում էր ծառայությունը ՊԲ-ում՝ պահելով մի բուռ դարձած Արցախի սահմանները: Իսկ ես մտածում էի, որ իրավունք չունենք թողնել մեր զինվորներին մենակ: Երբ սահման պահող զինվորը չըջվում է, նա պիտի զգա ու տեսնի, որ ինքը մեծակ չէ, քիկունքում նույնպես պայքարում են հայրենիքի ազատության համար»:

2022թ. դեկտեմբերին փակվեց դեպի Մայր Հայաստան տանող կյանքի միակ ճանապարհը: Արցախը հայտնվեց կատարյալ շրջափակման մեջ: Վրա հասած բլոկադային արցախցիները դիմարդուն էին ինչպես կարող էին: «Բլոկադային պայմաններում ամենածանրը թերեւս այն էր, որ երեխաները քաղցր էին ուզում, իսկ մենք ունեինք գումար, բայց գնելու ոչ մի բան չկար: Երեւի քարից են արցախցի մայրերիս սրտերը, երբ գիտակցում էինք, որ շատ շուտով երեխաներին տրվող այն մի կտոր հացն էլ չի լինելու, սակայն չէինք կոտրվում, առավել եւս համոզվում: Բարոյապես շատ դժվար էր, բայց նախընտրում էինք մահը, քան թե թշնամուց հաց խնդրելը, այն էլ այն թշնամու, որի ստորության մակարդակը սահմաններ չունի:

2023թ. սեպտեմբերին մեր որդին պետք է գնար առաջին դասարան: Անհրաժեշտ գրեմական պիտույքներ չկային, հագուստ չէր գտնվում, բայց մենք, օգտագործելով արցախցու հնարամտությունը, ինքներս պատրաստեցինք տետրեր: Օգտագործեցինք տան եղած հին տետրերի մաքուր էջերը, կազմեցինք, մի տեղից գրիչ, մի տեղից մատիտ, ամենակարեւորը՝ ծաղիկ էլ գտանք ուսուցիչների համար ու այդպես երեխաներին ուղարկեցինք դպրոց»,-վերհիշում է Ռուզաննան:

«Սեպտեմբերի 19-ին երեխաներին տարա դպրոց: Բլոկադային պայմաններում դասաժամերը կես ժամ էին տևում, ուստի ժամը 12-ի կողմերը վերջանում էին դասերը: Մենք ապրում էինք Ստեփանակերտի Հեքիմյանի փողոցի շենքերից մեկում, երեխաները հաճախում էին Ավ.Խսահակյանի անվան հ.10 դպրոցը: Երբ գնում էի երեխաների հետեւից, դեռ չհասած դպրոց, ականջիս ծայրեր էին հասնում. կարծես խուլ պայթյունների ծայրեր լինեին: Ես գիտեի, որ վիճակը շատ լարված է: Եթե մինչ այդ ամուսինս կարողանում էր ոտքով տուն գալ ճաշելու, ապա վերջին օրերին չէր էլ գալիս: Ինչպես վիճակն էր տագնապային, այնպես էլ մեր ներքին ապրումները: Դպրոցում հանդիպեցի մայրերի, որոնք ասացին՝ Հարավի դիրքերին խփում են: Եղբայրս այնտեղ էր: Փորձեցի զանգել նրան: Երբ հաջողվեց կապվել

հետը, ասաց՝ բան չկա: Բայց շատ անհանգիստ էի: Կապվեցի ամուսնուս հետ, նա էլ իր հերթին բարկացավ՝ ասելով, որ բան չկա: Կարծես բոլորը պայմանավորվել էին, որ իրականությունը պետք է թաքցնեն, այդ թվում եւ՝ ԿԳՄՍ նախարարությունը՝ ժամը 11:00-ի կողմերը հնչեցված հայտարարությամբ: Աղջիկս այդ օրը պետք է պարի ու նկարչության խմբակներ գնար, բայց ես, ելնելով իմ ներքին անհանգստությունից, չտարա: Երբ սկսվեց հրթռակոծությունը, մենք տանք էինք: Իհարկե, սարսափելի ծայրերին ծանոթ էի, հասկանում էի՝ ինչ է, բայց արգելակվել էի: Երեխաների վախեցած հարցադրումներից սթափվեցի, հապճեպ բռնեցի նրանց ձեռքերից եւ վազելով իջանք շենքի ապաստարան: Մեզ հետ էր ապրում ամուսնուս տարեց պապիկը, որը ձեռնափայտին հենվելով՝ հետեւեց մեզ: Նկուղում իրարանցում էր: Մարդիկ չգիտեին, թե որտեղ են իրենց տան անդամները, երեխաները: Մարդկանց մի մասը աշխատանքի էր, մի մասը՝ հերթերում, շատ երեխաներ դեռ դպրոցից չէին վերադարձել կամ ճանապարհին էին: Նկուղում մեզ է միանում մեր հարեւանի աղջիկը, որը նույնպես սովորում էր 10-րդ դպրոցում: Նա շատ վախեցած էր, պատմում էր, որ ռմբակոծության հետեւանքով դպրոցի պատը փլվել է, մի կերպ կարողացել է վազելով հասնել շենքի նկուղ:

Չայներն ինտենսիվանում էին, իսկ մենք ավելի ու ավելի էինք տագնապում: Մի կողմից վախը, մյուս կողմից նկուղում ջրի, սննդի, դեղերի ու այլ անհրաժեշտ իրերի բացակայությունը վատթարացնում էին վիճակը: Չնայած ինքս էլ վախեցնում էի, բայց համարձակվեցի բարձրանալ տուն՝ ջրի եւ իրերի հետեւից: Ծնեքը դողդուլ էր: Արագ վերցրի ինչ կարողացա եւ նորից իջա նկուղ: Ժամ առ ժամ սարսափելի լուրեր էին հասնում: Կապի միջոց չկար: Արդեն չեմ հիշում երբ էր, որ ամուսինս մի քանի վայրկյանով մտավ նկուղ, գրկեց երեխաներին, իսկ իմ աչքերին չէր նայում: Նա ինձ փոխանցեց բռի մեջ պահած ոսկյա զարդերը, եւ իմ հարցերն անպատասխան թողնելով՝ հեռացավ: Ի՞նչ էր դա: Մի՞թե նա հրաժեշտն էր. մտածում էի եւս ու ատամներս սեղմելով՝ կուլ տալիս արցունքներս, որ հանկարծ չճշամ:

Մթնել էր: Երեխաներին պառկեցրել էի՝ մի ձեռքս մեկի, մի ձեռքս՝ մյուսի վրա պահելով: Զգում էի նրանց անհանգիստ շունչն ու սրտխփոցը: Ամեն պայթյունի ծայրից տղաս վեր էր թռչում: Ասում էինք, որ մերոնք են, որ մի քիչ գոնե հանգստանան: Մինչեւ հիմա չեմ կարողանում մոռանալ անօդաչուի սուր ձայնը, որը գնալով մոտենում էր, ասես գալիս էր հենց մեզ վրա: Ահասարսուռ ծայրին գունարվել էին նկուղից դեպի դուրս փախչել ցանկացող երեխաների գոռոցները, անհանգիստ ճիչերն ու ընդհանուր լացը: Խուճապ էր: Մեծ ու փոքր իրար գլուխ բարձրանալով՝ շտապում էին դուրս արժնել ապաստարանից: Ես քարացել մնացել էի երկու երեխաներիս գրկած: Քաոսի ու խուճապի ծայրերի մեջ սկսեց նահանջել անօդաչուի ձայնը, հավանաբար այն հեռացավ: Նկուղում շնչելը դժվար էր, կրծքավանդակս շատ էր ծանրա-

ցել: Մի րոպեով ցանկացա դուրս գալ, թթվածին հավաքել: Դրսում խավար էր: Դեռ լիաթոք չշնչած՝ երկինքը լուսավորվեց շղթայական լույսերով: Կասետային ռումբերն էին շողշողալով, մահ ու ավերածություններ սփռում Ստեփանակերտի վրա: Հնարավոր չէր մնալ դրսում: Զգիտեի՝ ինչ է սպասվում մեզ: Միամտորեն կարծում էի, թե ուր որ է օգնության կգան մեզ: Բայց ոչ մի օգնություն չկար: Մեր տղաները մնացել էին մենակ՝ իրենց վրա վերցնելով համայն հայության ուղղված հուժկու հարվածը:

Գիշերվա ժամը երեքին սկսվեց ներքին տեղահանվածների առաջին ալիքը: Գետավանից էին եկել, հայտնեցին, որ պայթեցրել են կամուրջը, Գետավանն այլեւս չկա: Հոգնած, շոկային վիճակում երեխաներ, տարեցներ, կանայք էին, որոնք տեղավորվեցին Ստեփանակերտի ապաստարաններում: Մեր հարազատներից ոչ մեկի հետ կապվել չէր ստացվում: Ես գիտեի, որ ամուսինս նույնպես այդ դիրքերում կարող էր լինել: Մղձավանջային ապրումներս թեթևացան մեր հարեւանների միջոցով ինձ հասած տեղեկությամբ, որ ամուսինս ողջ է: Մի կերպ լուսացրինք: Սեպտեմբերի 20-ին, ժամը 13:00-ին մեզ համար կյանքը կանգ առավ: Հայտնի դարձավ, որ զինաթափման հրաման կա, եւ որ ճանապարհը բացվել է մեր դուրս գալու համար: Մեր շրջապատում գրեթե բոլոր տղամարդիկ զինծառայողներ էին: Նրանցից ոմանք սկսեցին գալ տուն, համազգեստ էին վառում, ոմանք տան իրերն էին հավաքում: Բայց ամուսինս չէր գալիս տուն:

Քաղաքի վերելք մասից լսելի էին ինքնաձիգի կրակոցներ, փոխհրաձգության մնացնող ծայրեր: Ամենասարսափելի բաներն էի մտածում: Թվում էր, թե անպաշտպան ենք: Մտածում էի, որ կարող է պատահել զինված թշնամին ներխուժի քաղաք ու ապաստարաններ: Նպատակային համարեցի երեխաների հետ բարձրանալ բնակարան: Շուտով մեր տուն եկան քաղաքի Արմենավան թաղամասում բնակվող ամուսնուս բարեկամները: Իրենց տանը մնալն արդեն վտանգավոր էր: Մեր շենքի միջնացքում փայտ վառարան էինք տեղադրել: Դույլով ջուր էի տաքացրած պահում, սպասում էի, որ ուր որ է կգա նաեւ ամուսինս, որ կարողանա լուգանք ընդունել, լվացվել: Ծնեքի զինվորական տղամարդիկ եկել էին: Նրանք մտերիմ էին ամուսնուս հետ, եւ իհարկե գիտեին, որ ամուսինս գնացել է Կրկճան՝ օգնելու կասեցնել թշնամու մուտքը Ստեփանակերտ: Ես սկսում էի հասկանալ, որ եթե բոլորը այստեղ են, իսկ ամուսինս դեռ ոչ, ուրեմն վտանգ կա, որի կետորում չլինել ամուսինս ուղղակի չէր կարող:

Սեպտեմբերի 21-ին որոշեցի գնալ ծնողներին տուն, եղբորիցս նույնպես տեղեկություն չունեի, կապի միջոց դեռ չկար: Իմ հայրական տունը շատ հեռու էր, Կարմիր խաչի գրասենյակի մոտակա շենքում էր: Ոտքով գնացի, հանդիպեցի ծնողներին, բարեբախտաբար եղբայրս ողջ էր, բայց դեռ տանը չէր:

Մեր քաղաքն ասես ուրիշ լինեց: Ամենուրեք տեղահանված մարդկանց խմբեր, վառարաններ փողոցների կողքերին, մի կողմից

վառվող համազգեստի ու տան իրերի տհաճ հոտն էր զգալարաններս ներծծում, մյուս կողմից լսելի էին հրաձգության ականջահյուծիչ ծայրերը, իսկ աչքերիցս չէր վրիպում հուսահատված ու սոված մնացած մարդկանց շարժումները, որոնք փորձում էին քաղաքում աճող ընկույզի ծառից մի քանի ընկույզ հայթայթել սնվելու համար: Ինչ դաժան էր իրականությունը:

Երբ տուն վերադարձա, բարձրացա տանիք, որտեղ կապը խափանումներով կար: Կարողացա կապվել ամուսնուս հետ, որի հետ խոսելու ընթացքում լսվող ծայրերից ինձ հասկանալի դարձավ, որ նա քաղաքի արվարձաններում մարտեր է տալիս: Որպես կին ու երեխաների մայր, ես նրան մեղադրում էի, որ կարող էր գալ, բայց նախընտրեց մնալ ու պաշտպանել մեզ մինչեւ վերջ: Բայց որպես սպայի կին հասկանում ու հարգում էի նրա ընտրությունը: Վայրկյաններ տեսած մեր խոսակցության ընթացքում հասցրեցի ասել, որ երեխաները իրեն են սպասում, նա պատասխանեց, որ խոստանում է գալ: Հետագայում պարզվեց, որ քիչ հետո վիրավորվել էր...

Ամուսինս վիրավորվել էր ոտքից, ընդ որում՝ այն զինատեսակից, որի վիրառումն արգելված էր: Մեծակ մնալով թշնամու կրակոցների տակ, արյունահոսող վիրքով մերթ սողեսող, մերթ գլորվելով մարտ տալով նրան հաջողվել է թույլ չտալ թշնամու առաջխաղացումը եւ տեղափոխվել քաղաքի բնակ մաս, որտեղ հանդիպելով մեր ոստիկաններին՝ համատեղ ջանքերով տեղափոխվել է հիվանդանոց:

Մեր զինծառայողները մինչեւ վերջ պայքարել են եւ կատարել են դրա պատվով: Ի պատասխան այն խոսակցությունների, թե արցախցիները չեն կռվել, հայտարարում են, որ արցախցի զինծառայողները պայքարել են մինչեւ վերջ, արել են հնարավորն ու անհնարը՝ պաշտպանելու հայրենիքն ու ապրելու մեր իրավունքն ու ազատությունը՝ կասեցնելով թշնամու մուտքը Ստեփանակերտ:

Ամուսնու վիրավորվելու լուրն իմանալու պես Ռուզաննան գնում է հիվանդանոց, տեսնում, հասկանում, որ նա ծանր վիրավոր է: Բայց նրան Հայաստան տեղափոխելու այլ միջոց ու թժկական ուղեկցություն չկար: Ծանր վիրավորում ստացած ՊԲ սպան պետք է հատեր սահմանը բոլորի պես:

Բռնատեղահանման ճանապարհը, որը ստացել է «Դժոխքի ճամփա» անունը, մղձավանջային էր նաեւ Ռուզաննայի ու նրա ընտանիքի համար: Դժվար էր նաեւ Հայաստանում փախստականի կարգավիճակով ապրելը, երկու բալիկների հետ վիրավոր ամուսնուն խնամելը, մինչեւ վերջինս վիրահատություններից հետո կկարողանար ոտքի կանգնել:

Շուրջ երկու տարի է անցել 2023թ. սեպտեմբերյան դեպքերից, բայց սարսափելի օրերը հիշողության մեջ դեռ վառ են մնում: Սփոփում են Արցախ վերադարձի հույսով, ինչն էլ ցանկալի է, որ չմարի ոչ մի արցախյան ընտանիքում:

Սոնյա ԱՎԱԳՅԱՆ

ՑԱՎԵՐԳ

ԿՅԱՆՔԻՍ ԲՈՒՅՆԸ՝ ՈՍՏԱՆ ԱՅԼՈՑ

Թողեցինք ձեզ մենակ, տխուր հայացքով առ Աստված: Պի՛նդ պահենք թե՛ն փոքրիկ, բայց աշխարհիմ ներկայանալու և հա-րատեսելու հայի անձնագիրը՝ հայոց պետա-կանությունը: Ազգովի վարենք ճիշտ քաղա-քականություն, ազգային քարոզչության մե-թեման աշխատեցնենք:

Ու տակավին դեռ է՛ն գլխից, Դեռ շատ փոքրուց, իմ ծննդից, Մեծ աշխարհում իմ տարածքի, Իմ անձնական ոտնահետքի, Իմ պարտեզի ես ոճաբան ու պարտիզպան, Իմ ամրոցի՝ անխոնջ վարպետ ու որմնաշար...

Անունն էր իմ ... Անտաշ քարտաշ՝ մուրճը ձեռքիս, Պարտապանի ուսապարկը միշտ իմ ուսին, Լայն աշխարհում ես իմ Բույնի, Անխոնջ ու լուռ մշակն էի... Իմաստունը՝ ժողովուրդը, ճիշտ է դատել, Աստված գիտի՝ ում ինչ բաշխել, Ինչ բաժին տալ և ում ձեռքին՝ որ Ձորության հաչը դնել... Բնույթն էր իմ՝ գուցե մի քիչ աշխատասեր, Գուցե մի քիչ կանքով արի, Գուցե մի քիչ լուսավորյալ ու կորովի, Գուցե մի քիչ նկատելի... Եվ ՆԱ տեսավ՝ Տերն - Արարիչ անձնակալ, Որ Երկնային դատավորն է այս աշխարհի, Որ սպասում էր ճամփի եզրին հազարավոր մարդկանց երթունք: Ինձ էր սպասում. Պարտապանի ուսապարկով՝ վրան խարան՝ իմ անունով,

Ոտից գլուխ չափելով ինձ, ՆԱ խստաբար նայեց, ասաց. - Սա է հաչը, կյանքիդ հաչը, Վերցրո՛ւ, կրի՛ր դու քո հաչը:

Չերկնչեցի ու հեզորեն իմ ԱՆՈՒՆ-ով ուսապարկը Իմ ուսն առա Իմ ուսն առա ու քայլ արի... Քայլն առաջին, ապա՝ հաջորդ, Դետո՛ւ՝ հաջորդ քայլերը իմ, որ քայլք դարձան, Անկանգ Մեծ Վազը փշոտ ճանփով... Բազմահազար կենտրի մեջ մի խուլ տեղում Մի ոտնաչափ կեսու գտա՝ իմ անունով, Որպես ազնիվ ես մի վազորդ՝ քայլ արեցի, ճամփա ելա... Մեծ աշխարհում ես իմ բույնի, իմ տարածքի

Անխոնջ ու լուռ մշակն էի, Պարտապանի ուսապարկը՝ միշտ իմ ուսին, - Ես՝ շինարար, ես՝ կառուցող, Անտաշ վարպետ, հմուտ վարպետ, Ստեղծող վարպետ, ճարտարապետ, Ես՝ քրտնաքամ քանդակագործն իմ ՏԵՍԱԿ-ի Ու իմ ծառի՝ մաքրաարմատ, Գործն աշխարհի՝ անքննելի, անմեկնելի, Գործը՝ մարդու նրա բաժին կյանքի ուղու, Նրա հոգու մաքառումի, արարումի ու սլացքի

Նրա մարմնի տառապանքի, ուրախության, Անմեկնելի, անքննելի, - Եվ ո՞վ գիտի, Ո՞ր թռչունի բույնն է ամուր՝ նրա հզոր մտքից չինված, Ծիծեռնակի՞,՝, արագիլի՞, թե՞ արծվի Ես չգիտեմ, օ՛, բարդ է շատ, չգիտեմ, գիտեմ միայն,

Որ իմ Բույնը, Անձիս բույնը, Դոգուս բույնը Պողպատից էլ ամուր է այն, Որ իմ Ես-ից, որ իմ ներսից, իմ մարմնից Մաս-մաս հանել, Իմ արյունից, քրտնաշաղախ իմ մատներից Ու իմ մտքից ծվեն-ծվեն ես հավաքել, Շինել եմ բույն... - Անձիս բույնը՝ երջանկության մի մեծ Ոստան այլոց համար, Բույնն իմ Կյանքի՝ երկնել, հասել, ծվարել է Բարդի ծառի վերին ճյուղին: Տիրոջ ծայնին հույսով սպասել, Մեր հին բակի Թեղի ծառից անվերջ սնվող, Այսբան մոտիկ, այսբան հեռու, մեռնող կարոտ, Մեր հին Բակի պապիս ծառին՝ Թեղի ծառին անվերջ հենված, Բույնն իմ կյանքի, որ հասել ու ծվարել է Մեր հին Բարդու վերին ճյուղին...

Անձիս բույնը՝ երանության մի մեծ Ոստան այլոց համար: Քանուց ծեծված ու հալածված Անձրևներից, տապից, տոթից և արտասված, Անձանոթից ու ծանոթից, հարազատից հաճախ անգամ և քարկոծված, Բայց չճկված, երբեք-երբեք ճաք չտված, Այս աշխարհի արդարության ու պայքարի դրոշմ առած, Մնացել է նա միշտ կանգուն իր նվաճած բարձր տեղում՝ Մեր հին ու ծեր Բարդի ծառի վերին ճյուղին:

Բույնն իմ անձի՝ երջանկության մի մեծ Ոստան այլոց համար: Անձիս բույնը՝ ոստան այլոց, Մի ծղոտից, մի փետուրից, մի ծիլ խոտից, Գամփա բռնել ու բարձրացել: Թոնրի նման ատամ-ատամ որմնաշարով, Իմ օրրանի, իմ պապերի մաքրամաքուր խոր արմատին պարուրվելով, Գալարներով գալարվելով, Եվ շյուղ առ շյուղ ազուցվելով, ամրանալով, Տունս շինվեց, բույնս շինվեց, Մի ծղոտից, մի փետուրից, մի ծիլ խոտից: Գամփա ելած՝ բույնս շինվեց, Բնավորվեց ու տեղ գտավ Բարդի ծառի վերին ճյուղին: - Սա էր կյանքը, կյանքը Նրա, Երևույթ էր մի լուսառնատ, Ուրիշների կյանքով ապրող այս լուսավոր մարդու կյանքը:

Հազարի մեջ՝ իր տեսակով մարդու կյանքը... Թե հարվածվել, ես իմ դառը ումպն եմ ըմպել, Ծիծաղելով, ոչ հեզվելով, ծիծաղելով, Զիմանալով. ինչի՞ համար... Ու չեմ ընկել, ու չեմ թեքվել, ու չեմ փոխվել, Մնացել եմ մի երեսով, նույն երեսով, Նույն երեսով, թող որ մաշված ու կոշտացած, Բայց լուսարձակ՝ մի երեսով՝ ճշմարտության Թոնրի բովում: Նույն երեսով մարդկանց նայել չեմ վարանել, Չեմ վիատվել, կանգ չեմ առել Ու մտքերով նոր ուժ ստացած, Նոր խոյանքով. Բույնս նորից ես հարդարել, Նոր քանդակներ ու նոր գույներ տվել նրան, Որ տաք լինի այլոց համար, Որ տաք լինի մարդկանց համար, Որ չխամրի, որ միշտ փայլի նրանց համար, մարդկանց համար... Ուրաջունից անմարդկային հեռու մնամ, անկեղծամում, Հարյուր-հարյուր օտար մարդուց ես սեր առա, Սիրո մեծ Գետ, կյանքիս Գետը,

Գետն իմ կյանքի, իմ տեսակի, Որ լցվել ու հորդացել է նրանց Սիրով՝ նրանց համար,

Այլոց սիրով, ոչ ինձ համար, այլոց համար... -Կյանքիս ԳԵՏ-ը՝ երանության, խաղաղության խաղաղ օրրան, ծյունաճերմակ մեծ օրորոց, նրանց համար, մարդկանց համար եվ խորաշերտ, հազարածալք մեծ շտեմարան, Որ բոլորին տեղավորի իր ծալքերում, Մի հացատուն հազարատեղ, Ուր բոլորը իրենց տեղն ու աթոռն ունեն, Ու ոսկետառ հազար էջից մի մեծ Մատյան, Որում բոլորն իրենց էջն ու մասունքն ունեն: - Անձիս բույնը մի ծղոտից, մի փետուրից, մի ծիլ խոտից Գամփա բռնեց ու բարձրացավ, Աչքը հառած սեզ կատարին, Սարալանջից նա քայլ առավ, Քանուց ծեծված, քարից խփված, Արևակեզ ու քրտնաթոր. Սարալանջից նա քայլ առավ, Լանջերն ի վեր, ժայռերն ի վեր, Ու հասավ Տեղ, հասավ Սարին՝

Մեծ աշխարհի դիտակետին, Անչափ, անսկիզբ մաքուր մի տեղ՝ բարձրում թառած, ... Անբերական մի դատարկ տեղ, Երանությամբ լեցուն մի տեղ տիեզերքում, Մի նվաճված լեռնագագաթ, Որը սկիզբն էր դատարկության, Մի նվաճված դատարկության, Որը սկիզբն էր մի նոր ՍԿՁԲԻ... Մի նոր ՍԿՁԲԻ՝ դատարկության նվաճումի: Անչափելի մի ճանապարհ Մի լուսավոր մարդու համար: Եվ դատարկված, էությանս մեծ Բաժինը, մաշված ցուպ սարում թողած, Իջնում եմ ցած դեպ սարալանջ՝ Դատարկության նվաճումի՝ նոր սարալանջ: - Անունը իմ՝ Տաշված քարտաշ, հղկված քարտաշ, Քանդակ, մատյան, գրիչ ձեռքիս... Անձիս բույնը, կյանքիս բույնը՝ Ոստան այլոց, Մի ծղոտից, մի փետուրից, մի ծիլ խոտից, Սարալանջից ճամփա բռնեց ու բարձրացավ, Բնավորվեց ու տեղ գտավ Մեր հին Բարդու, Մեր ծեր Բարդու վերին ճյուղին:

Լաուրա ՄԱՐՏԻՐՈՍՅԱՆ (Ասրյան)
Արցախից բռնադեղահանված մանկավարժ

ՆՊԱՏԱԿԸ ՄՏԵԾԱՆԱԿԵՐՏԻ Վ ՓԱԾԱՉՅԱՆԻ ԱՆՎԱՆ ԴՐԱՄԱՏԻԿԱԿԱՆ ԹԱՏՐՈՆԻ ԴԱՇԴԱՆՈՒՄՆ Է

1 Դեռևս 33 ԿԳ նախա-րարությունում Սփյուռքի բաժնի ղեկավար աշխատելու տա-րիներից է կապ հաստատել Արցա-խի կրթական ու մշակութային կա-ռույցների հետ: Արդեն 7 տարվա պատմություն ունեցող «Դիալոգ»-ի ղեկավար լինելով՝ աշխատել է նաև Արցախի քաղաքական ղեկա-վարության հետ: 2023թ. տեղի ու-նեցած ողբերգությունից հետո կարևորում է մշակութային կա-ռույցների հետ աշխատելը, աջակ-ցելը: «Դիալոգ»-ի աջակցությամբ, Երևանում բացվել է Հայ Առաքելա-կան եկեղեցու Արցախի թեմի գրա-սենյակը: Թեմի մատենաշարով արդեն տպագրվել է «Արցախ. վտանգված ժառանգություն» ալ-բոմի առաջին հատորը: Ընթացքի մեջ է երկրորդ հատորի տպագրու-թյունը: Շուտով նույն թեմայով կկայանա լուսանկարների ցուցա-հանդես: Անդրադարձավ Արցախի ջազ նվագախմբի վերականգնման իրողությանը: Այս տարվա ապրիլի սկզբին «Արցախ» ջազի գեղար-վեստական ղեկավար Տիգրան Լալայանի հետ սկսել է իրակա-նացնել խմբի գործունեությունը, և մայիսի 2-ին Երևանում տեղի է ու-նեցել առաջին համերգը: Այնու-հետև երկու համերգ, չնայած ադր-բեջանցիների խանգարումներին,

կայացել է Մոսկվայում: Մոսկով-յան հաջող ելույթներից հետո ար-ցախցի ջազի վարպետները հուլի-սի 31-ին ելույթ ունեցան Երևա-նում՝ Կոմիտասի անվան կամերա-յին տան բաց դահլիճում: «Դիա-լոգ» մատենաշարով նաև արցախ-ցի գրողների գրքեր են հրատա-րակվել: Յու. Նավոյանի խոսքով՝ Վահրամ Փափազյանի անվան դրամատիկական թատրոնի վե-րականգնվորման գաղափարը մտահղացվել է՝ կարդալով ԱՅ ԱԺ նախկին պատգամավոր Վահրամ Աթանեսյանի գրառու-մը՝ «...Ինչու՞ չի գործում Ստե-փանակերտի Վահրամ Փափազ-յանի անվան փառահեղ թատրո-նը...»: Եվ այս խնդրի լուծմամբ 2025թ. մայիսին ինքը հանդիպել է Հ. Ղազանչյանի և Ռ. Խաչատրյա-նի հետ: Եվ այսօր արդեն իրողու-թյուն է դառնում փառահեղ թատ-րոնի վերածնունդը: Կայացած իրողության համար Ռ. Խաչատրյանը շնորհակալու-թյուն հայտնեց՝ թատրոնի վերա-կազմավորումը համարելով կարևոր քայլ, որն ապրեցնելու է անձնակազմին: Տեղեկացրեց, որ առաջին խաղը լինելու է բարբա-ռով, որը դերասաններին ավելի է ոգևորելու: Վստահեցրեց՝ իրենք

կարդարացնեն երկու կառույցնե-րի ղեկավարների հույսերը: Ելույթներից հետո Հ. Ղազանչ-յանն ու Յու. Նավոյանը կնքեցին հուշագիրը, որը մեծ աջակցու-թյուն է արցախյան մշակութային կառույցներից մեկին: Յու. Նավոյանը հուշագիր կն-քեց նաև «Գալյա Նովենց» թատե-



րական դպրոցի հիմնադիր դերա-սանուհի Մարիամ Ղազանչյանի հետ: Այդ առթիվ Յու. Նավոյանն ասաց. «Սա երկու նպատակ ունի՝ նախ արցախցի տաղանդավոր երիտասարդներին ներառել թա-տերական կրթության ոլորտ և երկրորդ՝ դրանով կերաշխավորվի Ստեփանակերտի Վ. Փափազյանի անվան դրամատիկական թատրո-նի հետագա համալրումը երիտա-սարդ դերասաններով արդեն Երևանում: Եվ կարևոր է, որ դասա-

րանը ղեկավարելու է Հակոբ Ղա-զանչյանը՝ ընդգրկելով Հայաս-տանում ծանաչված թատերակա ն գործիչների: Լավ է նաև, որ ուսա-նողների հետ աշխատելու է Ռ. Խաչատրյանը, իսկ «Դիալոգ»-ը վճարելու է 15 ուսանողի ուսման վարձը: Հ. Ղազանչյանի հետ կնքած հուշագրի առթիվ Յու. Նավոյանն ասաց. «Ստորագրված հուշա-գիրն արդեն հանրա-նացրեց մոտ մեկ ամիս ընթացքի մեջ եղած աշխատանքը: Թատ-րոնի դերասաններին Ռ. Խաչատրյանի շուրջ համախմբելու և մեկ պիես բեմադրելու հա-մար արդեն որոշվել է՝ Ռաֆայել Մանասյանի գոր-ծերից է: Թատերախումբը կարևո-րում է, որ իրենց վերածնունդը նշանավորվի Արցախի բարբառով խաղալուն: Սա իրենց համար հո-գեբանական մեծ նշանակություն ունի և հավելյալ ինքնավստահու-թյուն է տալու: Ես սա համարում եմ Հայաստանի թատերական դաշ-տում մի նոր կոլորիտ ու մի նոր խոսք. ինձ հետ համաձայն է նաև պարոն Ղազանչյանը: Մոտավո-րապես 1-2 ամիս անց թատերա-

խումբն այս պիեսով բեմ կբարձ-րանա: Երկրորդը լինելու է Մուրա-ցանի «Ռուզան» կամ «Հայրենա-սեր օրիորդ» դրաման: Շատ կարևոր է, որ թատերախմբի գոր-ծունեությունը, չնայած բոլորն էլ արհեստավարժ դերասաններ են, տեղի ունենա Թատերական գոր-ծիչների միության հետ համախոր-հուրդ: Դա հավելյալ երաշխիք է, որ ամեն ինչ լավ է ընթանալու»:

Հ. Գ.

Ստեփանակերտի հայկական պետական դրամատիկական թատրոնը կազմավորվել է 1932թ. Կարո Ավարյանի ղեկավարու-թյամբ: Բացումը կայացել է օգոս-տոսի 11-ին՝ Վաղարշ Վաղարշյա-նի «Օդակում» պիեսի բեմակա-նացմամբ: Մինչև 1989թ. կոչվել է Մաքսիմ Գորկու, այնուհետև՝ Վահ-րամ Փափազյանի անունով: Թատրոնում հյուրախաղերով հանդես են եկել Հովհաննես Աբել-յանը, Ժասմենը, Ի. Ալիխանյանը, Վահրամ Փափազյանը, Արուս Ոս-կանյանը, Հրաչյա Ներսիսյանը, Ավետ Ավետիսյանը, Բաբվի հայ-կական, Երևանի Սուևդուկյանի անվան թատրոնների կուլեկտիվ-ները:

Ջոհրաբ ԸՈՔՈՑՅԱՆ

ՍՅՈՒՆՅԱՑ ԱՇԽԱՐԷ

«ԿԱՊԱՆ ՄԱՅՐԱՔԱՂԱՔ» ՀՆԱՎԱՅՐԻ ԱՄՐՈՋՈՒՄ

Լրագրող, լուսանկարիչ **Ջոհրաբ ԸՈՔՈՅԱՆԸ** աշխատանքային խմբով այս օրերին շրջագայում է Սյունիքի մարզում՝ հնավայրերի ուսումնասիրման և լուսանկարահանումների նպատակով: Այդ մասին է հեղինակի հոդվածաշարը (4-6-րդ էջեր):

Ստեփանոս Օրբելյանի «Հայոց պատմություն» գրքում, 5-րդ դարում կատարված իրադարձությունների հետ կապված, կա հիշատակություն. «Եվ Կապանից այստեղ եկավ հայր Յովհաննեսը, վանականներին վերցնելով գնաց գետի ափը, Տիրոջից խնդրեց վանականների կարիքների համար ծուկ շնորհել...» (էջ՝ 118):

Ստ. Օրբելյանի հիշատակած Կապան բնակավայրը գտնվում է ներկայիս Սյունիքի մարզկենտրոն Կապան քաղաքից դեպի Քաջարան տանող ճանապարհի ծախակողմյան ոչ բարձր բլրի վրա՝ Ողջի գետի աջ ափին: Տեղացիները քաղաքատեղին, որն այժմ ամբողջությամբ անտառապատ է, կոչում են «Տանծու լենջ»: Այստեղ դեռևս 5-րդ դարում գոյություն է ունեցել Սյունյաց իշխանների բնակավայր-ամրոցը, որը 10-րդ դարում արդեն Սյունիքի թագավորների նստավայր-մայրաքաղաքն էր: Մինչ այդ էլ Կապանը եղել է իշխանանիստ. Աշոտ Երկաթ Բագրատունի արքայի օրոք (915-930թթ.) Կապանի տերն է եղել Չազիկ Երրորդ իշխանը, որն ուներ երկու որդի՝ Ջևանշեր և Վահան: Ստ. Օրբելյանը «Սյունիքի պատմություն» գրքում (էջ՝ 192), հիշատակելով արաբ զորավար Նսրի չարագործությունների մասին, գրում է. «Այս օրերին ծաղկում էր այս իշխանների ազգական Չազիկ մեծ իշխանը՝ Սիսական տոհմից՝ լի ամենայն բարեպաշտությամբ, որը բաժին ուներ Բաղաք աշխարհին ու Կապան քաղաքը: Բազմաթիվ բարեգործություններից հետո նա վախճանվում է ու թաղվում իր նախնիների մոտ՝ ժառանգ թողնելով Ջեվանշիրին և Վահանին (Վահանա-

վանքի կառուցողը. Ջ. Ը.)» (էջ՝ 192): 958թ. Կապան է այցելել Անանիա Ա Մոկացի (ծ. թ. անհայտ- մահացել է 968թ.) Ամենայն Հայոց կաթողիկոսը: Այս առթիվ Ստ. Օրբելյանը գրում է. «... իսկ ինքը գնաց Կապան քաղաքը: Նրան ընդառաջ ելնելով բանադրված Ջեվանշիր իշխանը՝ զոջմամբ խոստովանեց իր մեղքերը: Նույնպես և եկավ

նույնունն է եղել պարտությունների պատճառ: Արաբական արշավանքներից հետո գալիս է նոր թշնամին՝ սելջուկ-թուրքերը: Կապան քաղաքի ու ամրոցի մասին մի քանի անգամ հիշատակում է պատմիչը: «Կապանի ավերման ու բերդերի գրավման պատճառը. Բաղաք թագավորության խաչառ վերացումը և Սիսական տոհմի վերջը» ԿԱ գլխում (էջ՝ 277) Ստ. Օրբելյանը գրում է. «Այն տարում, երբ Հայոց հինգ հարյուր հիսուներկու թվականն էր (552+551=1103թ.), եղավ Կապան գավառի և Բաղաք ամուր աշխարհի ավերման ու նրանց թագավորների և իշխանների տիրապետության վերացման սկիզբը, որի մասին կարդացինք ու իմացանք Սյունյաց եպիսկոպոս Տեր-Ստեփանոսի թղթերից, որ

մի որ Կապանը գտնվում է ավելի բարձր ու հիմնականում ժայռակերտ սարերի արանքում, Չորթմանը նույն սարերից է հարձակվում քաղաքի վրա: Օրբելյանը նկարագրում է այդ հարձակումը. «Նախ բազմաթիվ հետևակ ծերպամուտ ու քարագնաց զորականներ բարձրացան ապառաժոտ լեռան գլուխը և հեղեղատի մեծ հունով իջան քաղաք, քանի որ այդ տեղը պարսպափակված չէր՝ մարդկանց մուտքի համար անհնարին լինելու պատճառով: Սկսեցին կոտորել Ջիտաթաղի կողմից: Նրանք բացեցին քաղաքի դարպասը, որ նայում էր խնծորդլխին» (էջ՝ 278): Այդ ժամանակ քաղաքի բնակչությանը կոտորել են, բայց ամրոցը թշնամին չի կարողացել գրավել: Կապանը վերջնական գրավվել է թշնամու կողմից ու ավերվել Հայոց հինգ հարյուր յոթանասունհինգ թվականին (1126թ.): «...եկավ ամիր Հարոնը և բնաջնջեց Կապանի տունն ու Արևիք գավառը, գրավեց Կաթավաթերդն ու Բաղակաքաղը. վերջին վանքն էր, որտեղ հավաքված կային բազմաթիվ սրբություն-

լքվել ու ամայացել: Այդ ժամանակ Սյունիքի թագավորությունը, ըստ Ստ. Օրբելյանի, ունեցել է 43 բերդ, որոնցից 12-ը եղել է անվանի, 48 վանք, 1008 գյուղ, իսկ մայրաքաղաքը Կապանն էր: Մինչև 1170 թվականը թշնամուն դիմակայել է հզոր ու անառիկ Բաղաքերդը: Սակայն Օրբելյանը գրում է. «619 թվականին (1170թ.) Աստված կրկին բարկացավ մեր Բաղաք աշխարհի ու Սյունյաց նահանգի վրա և բոլորի ապավեն ու ապաստարան անառիկ Բաղաքերդ ամրոցը մատնեց Իսմայելի՝ անիծյալ ու գիշակեր մարդու ձեռքը, որը բազմաբանակ զորքով եկավ, բայց չկարողացավ ոչինչ անել: Այնուհետև խաբեական խոսքերով խաբեց աշխարհացի պարզամիտ քրիստոնյա մարդկանց ու նրանց միջոցով նախ գրավեց Կկոց քաղաք, ապա գիշերը նույն մարդկանց միջոցով հափշտակեց Բաղաքերդը...» (էջ՝ 279):

Օրեր առաջ Կապանում էի, եղա և Բաղաքերդում, և «Կապան» հնավայրում: Երկու տեղում էլ կատարվում էին հնագիտական ուսումնասիրություններ ու պեղումներ: Բաղաքերդում նշված աշխատանքները, որ իրականացնում էր ՀՀ ԿՊՄՆ «Պատմամշակութային արգելոց-թանգարանների և պատմական միջավայրի պահպանության ծառայություն» ՊՈՒՄԿ-ի հնագիտական արշավախումբը՝ պ. գ. թ. Ավետիս Գրիգորյանի ղեկավարությամբ, այս տարվա համար արդեն ավարտվել են: Իսկ Կապան մայրաքաղաքի հնավայրում պեղումները, որ կատարում է ՀՀ ԳԱԱ հնագիտության և ազգագրության ինստիտուտի արշավախումբը՝ հնագետ Գազիկ Սարգսյանի գլխավորությամբ, դեռևս շարունակվում են:



գրել էր հոյակապ Անի քաղաքում...» (էջ՝ 277): Այնուհետև պատմիչը գրում է պատճառների մասին՝ կարևորներից համարելով Սենեքերիմ թագավորի՝ Պարսկաստանի մայրաքաղաք Սպահան գնալը, Մելիքշահի սուլթանին հանդիպելը և նրա չար ծառաներից Չորթմանի հետ խնդիրներ ունենալը: Նույն 1103 թվականին հիշյալ Չորթմանը, Մելիքշահի և նրա որդի՝ Բեկիարուխի մահից հետո մեծ զորքերով հանկարծակի հարձակվում է Կապան քաղաքի վրա: Քա-



մեր...»,- գրում է Ստ. Օրբելյանը (էջ՝ 279): Այդ օրվանից էլ Սյունիքի թագավորության մայրաքաղաքը կորցրել է իր նշանակությունը,

ԱՅՍՏԵՂ ԵՂԵԼ Է ՍՅՈՒՆԻՔԻ ՄԱՅՐԱՔԱՂԱՔԸ

«Հինգ հարյուր յոթանասունհինգ թվականին (1126թ.) եկավ ամիր Հարոնը և բնաջնջեց Կապանի տունն ու Արևիք գավառը...»

Ստեփանոս Օրբելյան
«Սյունիքի պատմություն. էջ՝ 279»

Եվ այդ ժամանակից ավերվեց ու ամայի մնաց Սյունիքի թագավորության մայրաքաղաք Կապանը: Հնավայրն ընկած է Սյունիքի մարզկենտրոն Կապանից հարավ՝ Ողջի գետի աջափնյա ոչ բարձր բլրի վրա՝ Քաջարան ձգվող ճանապարհի ծախ եզրին: Այժմ երբեմնի մայրաքաղաքի տարածքում ՀՀ ԳԱԱ հնագիտության և ազգագրության ինստիտուտի հնագիտական արշավախումբը ուսումնասիրություններ ու պեղումներ է իրականացնում:

Օրերս Կապանում էի, այցելեցի նաև այս հնավայր և մոտակա Բաղաքերդի ամրոց, որտեղ նույնպես պեղումներ էին կատարվում: Բաղաքերդը եղել է Կապանի գլխավոր

պաշտպան ամրոցը՝ գտնվելով պատմական Սյունիքի մայրաքաղաքից ոչ հեռու՝ հարավարևմտյան կողմում՝ Գիրաթաղ գետակի ափին: Ինչպես տեղեկացրեց «Կապան» հնավայրի պեղումների ղեկավար, հնագետ Գազիկ Սարգսյանը, այս հնավայրում դեռևս

խորհրդային տարիներին՝ 1988-ին, իրենց գործընկեր Վահան Գայսեյանի կողմից կատարվել են որոշ ուսումնասիրություններ, տարածքը ճանաչվել է որպես պատմամշակութային հուշարձան: Այնուհետև հուշարձանը մնացել է ուշադրությունից դուրս, քանի որ ամբողջովին եղել է անտառապատ ու ծածկված մացառներով: 2023-ին սկսել են ուսումնասիրել Սյունիքի ամրոցները, և ծրագրում ընդգրկվել է նաև «Կապան» հնավայրը:



Հնագետները մի կերպ մտել են տարածք և որոշել ուսումնասիրել ու պեղումներ իրականացնել այստեղ՝ հաշվի առնելով Սյունիքի թագավորության մայրաքաղաք լինելը: 2024-ին Գ. Սարգսյանը հանդիպել է Սյունիքի մարզպետ Ռոբերտ Ղուկասյանին և առա-

ջարկել պեղել Կապան մայրաքաղաքի տարածքը: Եղել է համաձայնություն, և 2024-ի սեպտեմբերի 1-ից սկսել են պեղումները՝ Սյունիքի մարզպետարանի ֆինանսավորմամբ՝ «Ջարգացման և մերդրումների հիմնադրամ»-ի միջոցներով: Սկզբում տեղի անտառտնտեսության կողմից ծառերից ու մացառներից մաքրվել է այսպես կոչված պալատական համալիրի ճանապարհը և տարածքը: 2024-ին բացել են ամրոցի առաջին շերտը, որը հիմնականում եղել է 19-20-րդ դարերում այստեղ կուտակված աղբ: Այդ ժամանակներում հնավայրի տարածքում մարդիկ են բնակվել, բանջարանոց ու այգիներ են մշակել, ընթացքում օգտագործել են նաև ամրոցի կանգուն պատերը, որոնց նոր կառույցներ ու պատեր են կցել: Այսինքն՝ պատմական տեղանքը խաթարվել էր: Նույն հեռաված աղբի մեջ հայտնաբերվել են արդեն միջնադարյան խեցեղենի բեկորներ, այդ ժամանակաշրջանի այլ հնագիտական նյութեր: «Սա էլ մեզ հույս տվեց, որ գործ ունենք Սյունյաց թագավորների դղյակի

ՍՅՈՒՆՅԱՑ ԱՃԵՆԱՐԿ

ԿՈՒՐԱԹ ԹԱԳԱԿՈՐԻ ՁՈՐԱԿՈՒՄ

Մեր երկիրը շատ հարուստ է պատմական և գիտական հուշարժաններով. ցանկացած վայրում հնարավոր է գտնել, տեսնել խաչքար, տապանաքար ու հնադարյան պատաշար ու դամբարան, ամրոց ու մանա այլ կառույցներ: Եվ ինչ-որ տեղ մաս այս է պատճառը, որ հաճախ անտարբեր ենք մեր պատմության վկաների հանդեպ. ժողովրդական խոսքով ասած՝ աչքը սովոր է: Իսկ խորհրդային տարիներին, դրանից առաջ, մաս ալսոր կատարված քանդիչ վերաբերմունքը մեծ վնասներ է հասցրել հայոց պատմությանը:

Վերջերս աշխատանքային խմբով Հին Խնձորեսկում էինք՝ ճարտարապետության դոկտոր, նկարիչ, քարանձավագետ, խաչքարագետ, ժայռապատկերներ ուսումնասիրող Սամվել Շահինյանի և ճարտարապետ դոկտոր Գայանե Ընթրյանի հետ՝ չափագրումներ ու լուսանկարահանումներ կատարելու նպատակով: Հանդիպեցինք գործարար Ժորա Ալեքսանյանին, որը շարունակում է այժմ ՌԴ Սուրգուք քաղաքում բնակվող խնձորեսկի Ռազմիկ Ղալոյանցի՝ Հին Խնձորեսկը բարեկարգելու գործը:

Ժ. Ալեքսանյանը ծնվել է Հին Խնձորեսկում, այժմ բնակվում է Գորիս քաղաքում: Հին Խնձորեսկում՝ ճոճվող կամրջի սկզբնամասում է գործում քանդարանը, որտեղ ցուցադրված են միջնադարում և մինչ վերջերս այս պատմական բնակավայրին վերաբերող ազգագրական ու հնամասնական իրեր: ճոճվող կամրջը ունի 160 մ երկարություն, 63 մ բարձրություն, 14 տ քաշ: Կառուցվել է 2012 թ. Ժորա Ալեքսանյանի նախաձեռնությամբ ու հովանավորությամբ՝ նվիրված իր ծնողների՝ Հայկ և Թամարա Ալեքսանյանների հիշատակին:

Ժ. Ալեքսանյանի և տեղի զբոսավար Սևակա Շահնազարյանի ուղեկցությամբ ծանոթացանք քանդարանային նմուշներին: Քարանձավ-քանդարանը, որ ժամանակին եղել է 4 սենյականոց բնակարան, պատկանել է մեծ ընտանիքի: Տարբեր ցուցանմուշների շարքում է մաս Հրաչյա Ղայու թախտը: Այստեղ Ժ. Ալեքսանյանը տրամադրեց կարևոր տեղեկություններ պատմական Խնձորեսկի մասին, որը կազմել է Ռուբեն Բեգլարյանը:

Աշխատանքից հետո Ժ. Ալեքսանյանն իր մեքենայով մեզ տարավ Խնձորեսկ-Տեղ դաշտամիջյան ճանապարհով, որտեղ N 38 31 655 և E 046 26 692 կոորդինատներում՝ ծովի մակերևույթից մոտ 1340 մ բարձրության վրա, թեք լանջի ստորին մասում կա հնավայր: Այս հատվածում են գտնվում Խնձորեսկի և Տեղի վարելահողերը, խոտհարքերը, արոտավայրերը: Խորհրդային տարիներին, ինչպես ընդունված էր, շատ տարածքներ էին ազատում քարակույտերից, ավերակներից, բլրակները հարթեցնում՝ տարբեր մշակաբույսեր ցանելու նպատակով: Ցավոք, այդ առաջին հայացքից կարևոր միջոցառումը մաս մեծ վնաս է հասցրել մեր պատմությանը. քանդվել, հողին են հավասարվել պատմական հուշարժաններ՝ եկեղեցիներ, մատուռներ, գերեզմանատներ, այդ թվում՝ դամբարանադաշտեր, ամրոցներ և այլն: Նույն ճակատագրին է արժանացել մաս ալս հնավայրը, որը, ըստ տեղացիների, եղել է, այսպես կոչված՝ Կուրաթ թագավորի նստավայրը, որտեղից ժամանակին գյուղաշխատանքներ

ի ժամանակ կենցաղային իրեր են հայտնաբերվել: Ստեփանոս Օրբելյանն իր «Սյունիքի պատմություն» գրքում հիշատակում է Սյունիք աշխարհի Հաբանդ գավառի Վերին և Ներքին Կարբինք բնակավայրերի մասին, որոնք 8 միավոր հարկ են վճարել Տաթևի վանքին: Այսինքն՝ եղել են ոչ մեծ բնակավայրեր: Կա կարծիք, որ այս մասում է եղել նշված բնակավայրերից



մեկը, որ սկսում է Կարբուն (Կարբինք) լատուկից (մինչ Գորիսի Խնձորեսկ հասնելը): Նույն կարծիքին է մաս Գորիսի պետական համալսարանի դասախոս, բ.գ.թ. Մհեր Քունունցը, որը զբաղվում է մաս հայրենի երկրամասի բանախյություններ, կատարում է տեղանունների ստուգաբանություն, զբաղվել է մաս ալս հատվածի ուսումնասիրմամբ: Ասաց, որ այստեղ մաս կուրգանային թաղումներ են եղել, և գտնվել է հսկա մարդու գերեզման: Նա և Մ. Հախվերդյանը համահեղինակել են «Ստ. Օրբելյանի հիշատակած մի քանի տեղանունների ստուգաբանության և տեղադրման հարցեր» հոդվածը, որի «Վերին և Ներքին Կարբինք» հատվածում նշում են. «Ստ. Օրբելյանի հիշատակած Հաբանդ գավառի գյուղացուցակից հայտնի են դառնում մաս Վերին և Ներքին Կարբինք գյուղա-

տեղիները՝ ներկայիս Խնձորեսկ գյուղի հողատարածքում...»: Հնագիտական տարածքը բավականին մեծ է և հասնում է մինչև Ջրնգանա ձորը: Մելորացիայի ենթարկված տարածքում այժմ պահպանվել է մի սյան մաս՝ մոտ 4 մ երկարությամբ, 1 մ տրամագծով, 6 անկյուն ունեցող բազալտե քար: Պարզ է՝ շինության սյան հատված է, այսինքն՝ տարածքում հավանաբար մաս եկեղեցի է եղել: Քարը հիմքերին ունի մոտ 10 սմ տրամագծով փոսորակներ: Մոտ 1 մ լայնությամբ ու կեսից ավելի հողի տակ գտնվող խաչքարը գրեթե կապել է սյան քարին: Իսկ մոտակայքում 10-ից ավելի խաչքարեր, դրանց բեկորներ ու տապանաքարեր կան: Մոտ 170 սմ երկարությամբ մի



խաչքար պահպանվել է ամբողջությամբ, սակայն ընկած է կողքի վրա՝ հենված երեսին պառկած մեկ այլ ավելի երկար խաչքարի: Երեսին 3 խաչ են քանդակված՝ շրջափակված «ասեղնագործ» գեղեցիկ քանդակով: Ներքին մասում անցք կա (հավանաբար պարանի համար): Մի խաչքարի կեսն է մնացել՝ երկարությունը մոտ 150 սմ, լայնությունը՝ 73 սմ: Մի քանի խաչեր կան երեսին քանդակված: Հարևանությամբ գտնվող խաչքարի չափերն են՝ երկարությունը՝ 123 սմ, լայնությունը՝ 80 սմ: Պահպանվել է ամբողջությամբ, ընկած է հողի վրա. անմշակ քարի երեսին մեծ խաչ է

քանդակված: Մեկ այլ խաչքարի փոքր մասն է երևում, կեսից ավելին հողի տակն է, ունի 1 մ լայնություն: Նույն վիճակում է մաս հարևանությամբ գտնվող գեղաքանդակ խաչքարը, որի լայնությունը 110 սմ է, վերին հատվածը աղեղնաձև է: Ձգացվում է՝ երեսին մեծ խաչ է քանդակված՝ ներփակված դարձյալ «ասեղնագործ» քանդակով: Վերին 2 անկյունում քանդակված է հավերժության խորհրդանշը: Մոտ 120 սմ լայնություն ունի երեսին 2 խաչով խաչքարը, որի մեծ մասը դարձյալ հողի տակ է: Խաչերի ներքին հատվածը չի երևում, իսկ վերին և կողային թևերը եզրափակված են 2 կլորավուն քանդակով: Իրար մոտ 2 խաչքար էլ ընկած են կողք կողքի՝ մեծ մասը՝ դարձյալ հողի մեջ: Էլի կան խաչքարեր՝ հողի տակից հագիվ նշմարվող: Ցավոք, որևէ մեկի վրա արձանագրություն չկա, սակայն քանդակների ոճից պարզվում է՝ 12-13-րդ դարերի շիրմաքարեր են: Մոտակայքով է անցնում դաշտամիջյան ճանապարհը, որի հարևանությամբ կան կառույցների հիմքեր, պատաշարեր: Ժ. Ալեքսանյանն ասաց՝ երբ տարածքն հարթեցրել են, մաս կարասներ են հայտնաբերվել: Ունեցել են մեծ չափեր: Աշխատողներից մեկը, որ ունեցել է մոտ 190 սմ հասակ, մտել է ջարդված կարասի մեջ ու չի երևացել: Այսինքն՝ կարասները մոտ 3 մ խորություն են ունեցել:

Ինչպես ասում են, եղածը եղել է, մնում է տեղ կանգնեցնել մնացած հուշարժաններին: Կարևորը՝ ՀՀ ԿԳՄՍ նախարարության համապատասխան կառույցները գոնե տեղում ցուցանակ տեղադրեն՝ գիտական ճանաչելի հոգովածով: Ինչ խոսք, կարևոր է մաս կատարվեն հնագիտական ուսումնասիրություններ ու պեղումներ:

ԱՅՍՏԵՂ ԵՂԵԼ Է ՍՅՈՒՆԻՔԻ ՄԱՅՐԱՔԱՂԱՔԸ

հետ»,- ասաց Գ. Սարգսյանը՝ հավելելով, արդեն ոգևորված, բացել են դղյակի միջանցքը, դաշտը և այլ կառույցներ: Այդպիսով 2024-ին ավարտել են առաջին 1-ամսյա հնագիտական աշխատանքները: 2025թ. հուլիսից շարունակել են պեղումների աշխատանքը: Հուշարժանի տարածքում պահպանվել են բազում շինությունների հիմքեր, պատեր, ավերակներ: Առանձնակի ուշադրության է արժանացել թագավորական պալատը՝ միջնաբերդը: Այստեղ շինությունները տարբեր ժամանակների են: Ավելի ուշ կառուցված շինության տակ հայտնաբերվել են վաղ շրջանի (4-5-րդ դարերի) մեծ չափերով եռանակ բազիլիկ եկեղեցու հիմքեր, սյուների խարիսներ, տրավերտինից պատրաստված 2 մեծ մույթ, սրբատաշ քարեր: Եկեղեցու պատածն խորանի վերջնամասի վրա հետագայում պատ են կառուցել: Ըստ հնագետի՝ բացված եկեղեցին մինչև վերջ չի կառուցվել, չի օծվել՝ կապված երկի քաղաքական իրավիճակների հետ: Ամեն դեպքում տեղում կա 2 շինարարական շերտ՝ 4-5-6-րդ դարերի եկեղեցու հիմքեր և 10-րդ դարի պալատական դղյակ: Կան այլ կառույցներ ևս, բայց հնագետներին հիմնականում հետաքրքրում են եկեղեցին և պալատը, որոնց



յով: Պալատի ներսում հետագայում այլ պատեր են ավելացել: Շինության հատակը եղել է սալապատ: Հետագայում մոտ 25 սմ լիցք է արվել ու նոր սալահատակ է կառուցվել: Հարևանությամբ բացվել է մաս ծիթհան՝ մոտ 1,2 մ տրամագծով քարով: Այսպես կոչվող պալատական համալիրի հյուսիսային մասը թեք լանջ է, իսկ հարավարևմտյան հատվածում տասնյակ շինությունների պատեր են, հիմքեր: Հնագետների կարծիքով այս կողմում եղել են բաղնիքներ ու այլ տնտեսական կառույցներ: Մոտ 30 մ հարավ կա

մեկ այլ շինության ավերակ, որը եղել է փոքր չափերով մատուռ: Ունի ուղղանկյուն խորան: Ըստ հնագետ Գ. Սարգսյանի՝ այն ծառայել է արքային ու իր ընտանիքին: Իսկ տարածքի գլխավոր սրբատունը եղել է Վահանավանքը, որ Կապան մայրաքաղաքից հեռու է ընդամենը 3 կմ, և այնտեղ բոլորը ուղղվել են զննել՝ մասնակցելու հոգևոր տարբեր արարողությունների: Չնայած տարածքի՝ ամբողջովին անտառապատ ու մացառապատ լինելուն, զգացվում է բնակավայր-ամրոցատեղին եղել է պարսպապատ: Որոշ հատվածներում պարիսպներ երկշերտ են: Նշված կառույցների արևելյան կողմում պահպանվել է երբեմնի հզոր աշտարակի մի հատվածը՝ մոտ 4 մ բարձրությամբ ու ցլազլխի պատերը քարով: Այստեղով է եղել ամրոցի արևելյան մուտքերից մեկը: Իսկ պալատական համալիրի գլխավոր մուտքը եղել է արևմտյան կողմից, որից քիչ հեռու անցնում է Ողջի գետը: Աստիճանավանդակով մուտքը հասել է պալատի և հիշյալ փոքր մատուռի մեջտեղում եղած հրապարակ: Գ. Սարգսյանը տեղեկացրեց մաս՝ գետի ծախ ափին կա ավերակ աշտարակ, որը հավանաբար եղել է ամրոցը գետի ձախափնյա ճանապարհին



նող ճարտարապետ Լևոն Վասիլյանը: Բանվորական անձնակազմը կապանցիներ են, ովքեր մաս առավել են ճանաչելու իրենց հայրենի երկիրը:

ԵՂԿԱՐԴԸ՝ ՆԵՐԿԱ ԵՎ ԱՆՑԱԾ ՊԱՏՄՈՒԹՅԱՄԲ

Պատմական եղվարդը Մեծ Հայքի Սյունիք նահանգի Մյուս Բաղք կամ Քաշունիք գավառի գյուղերից է։ Սյունիքի պատմիչը՝ Ստեփաննոս Օրբելյանը, որը հարուստ տեղեկություններ է ուղղել իր և ավելի վաղ ժամանակների մասին, «Սյունիքի



պատմություն» գրքում՝ «Սյունիքի տասներկու գավառների եկեղեցու (խոսքը Տաթևի վանքի մասին է. *Ձ. Ը.*) հարկապետցակը ըստ հին սահմանվածի» ՀԳ գլխում, Եղվարդը հիշատակում է Աղիազար անունով՝ Մյուս Բաղք կամ Քաշունիք գավառի կազմում՝ 10 միավոր հարկով (էջ՝ 401): Այսինքն՝ դեռևս մոտ 1000 տարի առաջ այս բնակավայրը եղել է շեն ու մեծ գյուղ: Ռուսական կայսրության ժամանակաշրջանում էլ է գրեթե նույն Մալովորդի անունով կոչվել: Մոտ 25 կմ հեռավորությամբ է ներկայիս Սյունիքի մարզկենտրոն Կապան քաղաքից: 2017 թվականից Կապան խոշորացված համայնքի կազմում է՝ հյուսիսարևելյան կողմում, ամստառապատ տարածքում:

Օրերս աշխատանքային այցով Կապանում էի, վերականգնող ճարտարապետ Լևոն Վասիլյանի և հնագետ Գագիկ Սարգսյանի հետ այցելեցի հաս եղվարձ: 2020թ. սեպտեմբերյան պատերազմից հետո գյուղը դարձել է սահմանամերձ, իսկ մինչ այդ՝

առաջնագծից հեռու էի հարյուր և ավելի կմ։ Միևնույն է, եղվարդոցին ապրում է իր հողում։ Զանդիպեցի ու զրուցեցի գյուղի վարչական ղեկավար Սպարտակ Ջաքարյանի հետ։ 2005 թվականից ղեկավարում է եղվարդը, 4 ամգամ վերընկալվել է։ 2017-ին նշանակվել է գյուղի վարչական ղեկավար, 2018 թվականին ազատվել է այդ պաշտոնից, աշխատել այլ տեղ։ 2025-ին վերստին նշանակվել է գյուղի վարչական ղեկավար։ Զայրենի ծնողավայրի զորագացումը, բարգավաճումը մշտապես է եղել Ս. Ջաքարյանի հոգը։

Եղվարդը այժմ ունի 78 ընտանիք՝ մոտ 270 բնակչով: Արցախյան 2023թ. բռնազաղ-թից փրկված 10 ընտանիք, մոտ 50 բնակիչ, վերաբնակվում է Եղվարդում: Այժմ շատ ար-ցախցիներ են բնակվում Կապանի խոշո-րացված համայնքի կազմում գտնվող գյու-ղերում: Եղվարդում զրուցեցի մաս վե-րաբնակիչ-արցախցիների հետ: Ինչ խոսք, հայրենի տան կարոտն արցախցու սրտում է, վերադարձի հույսը՝ հոգու խորքում, բայց պստեղ՝ Եղվարդում, արդեն տեղավորվել են, կան աշխատողներ, ու բոլորն են գոհ եղ-վարդցիներից, գյուղի վարչական ղեկավա-րից, որը մշտապես նրանց կողքին է: Առաջին օրերին մաս նրա հարկի տակ են մնացել, գյուղի մշակույթի տաճը:

Ս. Ջաքարյանն այցի օրը նույնպես զբաղված էր գյուղի հոգսերով: Այս օրերին գյուղի ներքին մասում բարեկարգվում է ՀՅՈՒՄի աղբյուրի տարածքը: Գյուղի այս հարստությունից դարերով է օգտվել եղվարդցին. արդյուրի ակունքի վրա պահպանվում է միջնադարյան կառույցը: Տարածքում կառուցվում է հանգստի գոտի: Խմելու ջրի խնդիրը բավարար է, սակայն ոռոգման ջուր չկա: Գետի համեմատությամբ գտնվելով բարձրադիր գոտում՝ ծովի մակարդակից 1040-1120 մ բարձրության վրա, առանց պոմպակայանի հնարավոր չէ ոռոգման ջուր ունենալը:

հորիզոնային տարիներին ոռոգման ջուրը գյուղ հասել է մույն պոմպակայանով: Բնակչության խնդիրներից է նաև բնակավայրի գազաֆիկացված չլինելը: Եղվարդի միջնակարգ դպրոցում անցած ուստարում տվորել է 41 աշակերտ: Իսկ նախակրթարան-մանկապարտեզն ունի 10 սան: Բնակչությունը հիմնականում զբաղված է անասնապահությամբ, մեղվաբուծությամբ, հողագործությամբ: 2020թ. սեպտեմբերյան պատերազմի պատճառով արտոսվայրերն ու խոտհարքերը համեմատաբար պակասել են: Այս պատճառով մոտ 70 տոկոսով կրճատվել է անասնազխաքանակը: Վարելահողերը մշակվում են՝ չնայած մոտ են սահմանին: Ս. Ջափարյանը, խոսելով գյուղի անցյալի մասին, ասաց՝ 1730 թվականին՝ Դավիթ Բեկին ազատագրական պատերազմից հետո, պարսից շահի հրամանով Եղվարդն ավերվել է, բնակչությունը տեղահանվել և աքսորվել է Պարսկաստանի Ղարաղալի փնա գյուղ: Պատճառը՝ ազատագրական պատերազմի ժամանակ աջակցել են Դավիթ Բեկին ու նրա զինակից Չավդուրի իշխան Թորոսին, եղել են ապստամբ: Եվ միայն 100 տարի անց՝ Թուրքմենչայի պայմանագրի համաձայն, Աղահորդ-Եղվարդ բնակավայրի բնակիչներն ժառանգները՝ 54 ընտանիք, վերադարձել են պապանական տուն ու վերահայացրել: Այդ ժամանակից մինչ օրս Եղվարդում միայն հայեր են բնակվում:

Գյուղի կենտրոնում է գտնվում հնադարյան գերեզմանոցը, որի տարածքում կանգուն է Սուրբ Աստվածածին եռանավ բազիլիկ եկեղեցին՝ կառուցված 1700 թվականին։ Նույն գերեզմանոցում է ամփոփված նաև Թորոս իշխանի մարմինը։ 1725 թվականին Չավաճաղուր գավառի կենտրոն Եղվարդ գյուղից մոտ 9 կմ արևելք ընկած Շուշանե-րի դաշտում Թորոս իշխանի հրամանատարությամբ գործող Դավիթ Բեկի ջոկատներից

մեկի և Ֆաթի-Ալի խանի զորքերի միջև տեղի ունեցած ճակատամարտում զոհվել է նաև Թորոս իշխանը: Եվ այս հերոսի՝ Եղվարդ գյուղում հուղարկավորված լինելը առիթ է հանդիսացել, որ «Երկիր և մշակույթ» կազմակերպությունը 2007-2011թթ. նորոգել է Սբ. Աստվածածնին նկեղեցին ու բարեկարգել տարածքը:




Հայրենականուն նահատակված եղվարդոցի-
ներին նվիրված հուշարձանը: Երկու սալա-
քարի վրա 105 զոհվածի անուն է քանդակ-
ված: Հարևանությամբ Արցախյան պատե-
րազմներում զոհվածների հուշախաչն է:
2020թ. սեպտեմբերյան պատերազմում գյու-
ղից զոհվել է 20-ամյա Գոռ Անդրեասյանը:
Ոմբակոծության պատճառով խաղաղ բնա-
կիչ էլ է զոհվել:

Եղվարդուն են ծնվել 33 վաստակավոր արտիստ, Կապանի թատրոնի նախկին ղեկավար Կամո Արզումանյանը, դերասանուհի Նատալյա Բաղդասարյանը, զինեգործ, կենսաքիմիկոս, գյուղատնտեսական գիտությունների դոկտոր-պրոֆեսոր Սլավիկ Դարոյանյանը, իրավագետ Բագրատ Ջնղունանցը: Եղվարդից Կապան ենք վերադառնում համայնքային Կարանի, խորանց, Կարդալվանք և այլ գյուղերով, անտառապատ ու ոլորապտուտ ևսաֆալտապատ ճանապարհով:

ՄԵՎ ՍԱՐԻ ԱՍՏՂԱԴԻՏԱՐԱՆԻ ՔԱՐԱՇԱՐՔԸ

Սկանա լճի հարավային կողմում՝ Կարդենիսի լեռնաշղթայի հարավարևելյան հատվածում է Սև սար կոչվող լեռնազագարը (բարձրությունը՝ ծովի մակերևույթից 3063 մ): Լեռան հյուսիսարևելյան ստորոտում՝ ծովի մակերևույթից 2500-2700մ բարձրության վրա, մեծ հատվածում (ավելի քան 70հա տարածք), կան ժայռապատկերներ, բնակավայրի հետքեր, դժբախտամեներ, հնադարյան մարդու թորած ալյ. հետ-



քեր: Հնավայրում առավել կարևոր է մի շարք գիտնականների կողմից որպես աստղադիտարան նշված 3 քարերի համալիր ժայռապատկերներ: Կենտրոնական քարը, որի վրա տարբեր պատկերներ են քանդակված, ուսումնասիրողների կողմից համարվում է երկնքի քարտուղ: Իհարկե, կարծիքները տարբեր են, բայց մոտ 6 ք/մ մակերեսով քարի վրայի քանդակները ցանկացած մարդու հուշում են՝ այն իր ժամանակի կարևոր գիտական կենտրոններից է եղել, և միակն է ողջ Հայաստանում, հնարավոր է՝ ամբողջ աշխարհում:

Իմ ծննդավայր Գեղիովիտ գյուղի վարչական տարածքում է հնավայրը, որտեղ եղել են մանկությունս տարիներին: Լուսնահոգի Մարգար պապս, որը հովիվ էր ու ոչխարի հոտը հիմնականում այս հատված էր տալու, հաճախ էր հիշատակում Սև սարի աստղադղի-տարանի մասին: Երջանկահիշատակ հայրս էլ հպարտությամբ էր խոսում, որ մեր բնակավայրի տա-րածքում կա հնդդարյան գիտա-լանմենետորոմ-աստղադղիտարան:

երեք քարաբեկորները, որոնց վրա է համալիր քանդակը, գտնվում են մեր՝ տեղացիների կողմից «Կազդուի գուլի-փոս» կոչվող լայնահուն ձորակի հարավարևելյան ոչ բարձր բլրակի վրա: Տարածքում կան տասնյակ այլ ժայռապատկերներ: Բացի աստղադիտարանից, որն հնավայրում հիմնականում այցելուների և ուսումնասիրողների ուշադրության կենտրոնում է, կան ուսումնասիրման ենթակա այլ օբյեկտներ ևս: Հնավայրում շատ են հրաբխից առաջացած քարացրոնները, մեր խոսվածքում՝ խնդիկները:

Հին ժամանակներում էլ մարդը նշված խնդիրներն օգտագործել տարբեր նպատակներով: Որոշ քարերի վրա պատկերներ է նկարել, ավելի մեծ չափերով քարասալերն օգտագործել է որպես փոքր խցերի ծածկ: Երբ շրջում էր խնդիրներում. մի քանի մասն

պատկեր հանդիպեցին՝ մոտ 10 ք/մ մակերեսով քարերը դրված են շարված խցերի վրա: Իմ կարծիքով, խցերը եղել են ապաստարան կամ՝ դամբարան-դոմինե: Կան քարեր, որ մշտապես ենթարկվելով կայծակի հարվածին, բավականին հարթ ու կապարակվուն մակերես են ստացել: Որոշների վրա կան ջրահավաք փոստրակներ:

Տարիներ առաջ երջանկա-
հիշատակ քեռուս ուղեկցությամբ
դարձյալ հնավայրում էի: Սև սարի
հյուսիսարևելյան ստորոտում է
գտնվում մեր գյուղի շոգենի կոչ-
վող ամառանոց-յայլան, որտեղ
ամռանը գալիս էին անասունները
պահելու նպատակով: Ցավոք, մի
քանի տարի է՝ արդեն ամայի է
շոգեները: Քեռիս էի ամառներն
յայտել տի անցկացնում ու լավ



տեղյակ էր հնավայրի ժայռապատկերներից: Նրա ուղեկցությունը գտանք ժայռապատկերներին, լուսանկարեցի: Համվայրի տարածքում կան մաս բավակամին մեծ չափերով քարաժայռեր: Սկզբն օրը բարձրացանք մաս Սև սարի գագաթը. ողտեղից երևում է

Սևանա լճի ավազանի մեծ մասը, Արարատ լեռը, այլ տարածքներ: Ու գազափոց մի հետաքրքիր տեսարան նկատեցի: Նշված քարաժայռերի մի շարան՝ 6 քար, գտնվում է մի շարքի վրա՝ միմյանցից զրեթե հավասար հեռավորությանը: Առաջին հայացքից՝ քարեր են ձորավանդի:

Այս տարի Վարդավառի օրը դարձյալ Գեղիովիտում էի, ու սովորության համաձայն հարազատներին հետ բարձրացանք Սև սար՝ աստղադիտարան: Նշված քարերը գտնվում են աստղադիտարանից հյուսիս-արևելք՝ Կազոնի գուլի ձորակի հարավային լանջին՝ արևելք-արևմուտք ուղղու-



տակով մարդը կարող է անցնել: Նման քարեր տեսել եմ մաս Բաշաթաղի շրջանի հնավայրերում՝ Միլիկի ամրոցի տարածքում, Աղավնու ամրոցում՝ Ղուշչի-ղլայում, Ռոտանի փայտեներձ Բարկուշատի ամրոցում: Բոլորն էլ

ունեն պատվանդան և տակով հնարավոր է անցնել: Աստղադիտարանի քարերին արեգակնային ժամացույցի՝ 12 ժամի քանդակն է: Նշված Կազոնի գուլի ծորակի որոսիսային լանջին մի ժայռ կա, որի վրա դարձյալ եռաշարք 12 փոսորակ է քանդակված: Գիտնական-ուսումնասիրողների գործն է՝ ճշտել՝ այս քարը կապ ունի՞ր աստղադիտարանի հետ: Ամեն դեպքում հավատացածն են՝ աշխարհում եզակի այս հնավայրը, որի կենտրոնական հուշարձան-աստղադիտարանը, ըստ գիտնականների, ունի մոտ 18 հազար տարվա պատմություն, լուրջ ուսումնասիրման ու առավել հռչակման կարիք ունի:

ԵՐԻՏԱՍԱՐԴ ՁԱՅՆԵՐ

ԱՏԵՂԵԱԳՈՐԾՈՒՄ ԵՆ ՄԵՐ ԸՆԹԵՐՑՈՂՆԵՐԸ



ՆԵՐԿԱՅԱՆՈՒՄ Է ՀԵՂԻՆԱԿԸ

Ես Մարտա Բաբայանն եմ, 22 տարեկան, ծնվել և մեծացել եմ Արցախում՝ Ստեփանակերտ քաղաքում: Սովորել եմ Հովհաննես Թումանյանի անվան թիվ 9 հիմնական, ապա Վիտալի Ջհանգիրյանի անվան թիվ 11 ավագ դպրոցում:

2021 թվականին ընդունվել եմ Արցախի պետական համալսարան՝ կենսաբանություն և քիմիա մասնագիտությամբ: 2023 թվականի պատերազմից հետո ուսումնա շարունակել եմ Վանաձորի պետական համալսարանում՝ մանկավարժական կենսաբանություն մասնագիտությամբ, որն ավարտել եմ գերազանցությամբ և ընդունվել եմ ՀՀ գիտությունների ազգային ակադեմիայի մագիստրատուրա՝ «Կենսաբազմազանության ուսումնասիրություն և պահպանություն» մասնագիտությամբ:

Մասնակցել եմ մի շարք ուսանողական գիտաժողովների՝ ներկայացնելով գիտական աշխատանքներ, որոնցից երեքը երաշխավորվել են տպագրության, մեկը՝ արդեն տպագրվել է «ՎՊՀ-2024թ. գիտաժողովի նյութեր» ժողովածուի հերթական համարում:

Ստորև ներկայացված են ավելի մանրամասն տվյալներ այդ մասին:

- 2023թ. ԱրՊՀ – «Արցախի դեմոկրոֆլորայի դեղատու տեսակները» (երաշխավորված է տպագրության)
- 2023թ. ՎՊՀ – «Արցախի դեմոկրոֆլորան, նրա պահպանության հիմնախնդիրները» (երաշխավորված է տպագրության)
- 2024թ. ՎՊՀ – «Հայկական մեդիոռոշ նմուշների որակական ցուցանիշների որոշումը» (տպագրվել է

«ՎՊՀ ուսանողական գիտաժողովի նյութեր» ժողովածուի հերթական համարում)

• 2025թ. ՎՊՀ – «Միկրոկանաչիների վիտամինային պարունակության համեմատություն դրանց հասուն համարժեքների հետ» (երաշխավորված է տպագրության):

Բացի գիտական գործունեությունից, սիրում եմ նկարել, ստեղծագործել ու գրել բանաստեղծություններ: Իմ նպատակն է արժանի ներդրում ունենալ Հայաստանի գիտական և կրթական ոլորտում

ԲԱՆԱՍԵՂՈՒԹՅՈՒՆՆԵՐ

Ռեքվիեմ

Մենք կորուստներ չատ ունեցանք, Պատերազմի անգույն դաշտից. շատ-շատերը տուն չդարձան: Մի լուռ մանուկ, աչքը ճամփին Հոր գալուն է կարծես սպասում: Խոստացել էր, որ տուն գալուց, քաղցր կոնֆետ է բերելու: Սակայն, ավա՛ղ, հոր խոստացած, կոնֆետները մա չստացավ: Ու շատ մայրեր, որ երազում, թոռան էին ամուր գրկում, Կորած որդու նկարն առած, Մի վերջին հույս սրտում պահած, Դռան զանգին են սպասում: Գուցե մա գա, Գուցե ինչ-որ խուլ անտառում Նա տան ճամփան է որոնում: Սակայն, ավա՛ղ, որդին վաղուց, տան ճամփան էլ չէր որոնում: Մի օրիորդ էլ կա, որ երկնքում անվերջ մի վառ աստղ է փնտրում: Նրան էլի իր երազում սիրելին է լուռ այցելում: Նա բերում էր խամրած մամակ Մեջը՝ դաշտից քաղած կակաչ, Չորացել է այն շատ վաղուց, Արյունոտվել, ու վառողի անդուր հոտն էր իր մեջ առել: Իսկ մամակում իղծեր կային՝ Երկար սպասված, չասված բառեր... որոնք գուցե ժամանակին, թե ասվեին սիրելիին, կյանքի իմաստ կդառնային, Պայքարելու ուժ կտային, Կյանքից կառչած կպահեին: Մի պապիկ էլ աղոթում էր, Որ տառապած, պատերազմի խարանառած, սուր փամփուշտից խորը ծակծկված, հազար տեսակ ցավից կոփված՝ իր մարմինը մի օր սառած, Օտար հողին բաժին չդառնա:

Մարիոնետ

Մենք տեսնում ենք, բայց չենք նկատում: Մենք լսում ենք, բայց չենք ընկալում: Ընկալածն էլ հաճախ ճիշտ չենք հասկանում: Քայլում ենք, ինչպես մի կույր խաղացող, Խաղում ենք, ինչպես լույս մի մարիոնետ, Ապրում ենք կիսաքուն կամ կիսաթուն: Թվում է՝ կյանքը խաղ են դարձրել, աշխարհը՝ խաղաղաշտ, մարդկանց՝ խաղաքար: Խաղում են ինչ-որ անորոշ մարդիկ: Հաճախ փորձում են մեզ և կամ փորձարկում, Ինչպես մեխանիկը՝ մի նոր հնարած սարք: Խառնում են նրանք մտքերը մեր քառս, ուղղորդում դրանց ըստ նպատակի, Ու մեզ դարձնում ստանդարտ խաղալիք: Որքան քաղքենի կյանքն անհատի, այնքան հեշտությամբ կդառնա մա գերի: Հաճախ կոտրվում են խաղալիքներն այդ, զոհում են նրանց, անխիղճ, անողորմաբար:

Ցիտատ եմ հրապարակում, մարդկանց կուրացնում, ասում՝ նպատակը միջոցն էլ է արդարացնում: Թվում է՝ կարծես մարդկային կյանքը, վաղուց է արդեն արժեքն իր կորցրել: Խաղաղաշտն էլ արդեն վաղուց է մասնատվում: Ամեն մեկն իր բաժինն է մեծացնում, բայց բաժնից առաջ շահն է առաջադրվում: Մեկը նվիրում է հանուն այդ շահի, մեկը գրավում, երբեմ էլ խլում: Խաղում են ինչ-որ անծանոթ մարդիկ, Աշխարհի տեր են իրենց հռչակում, Կառավարում միտքը՝ մարդկանց միամիտ, Աշխարհը զոհաբերում հանուն անհատի:

Մենք նույն մոլորակից ենք, Բայց տարբեր աշխարհներից

Մենք նույն մոլորակից ենք, բայց տարբեր աշխարհներից: Ապրում ենք նույն երկնքի տակ, բայց տարբեր հարկերում, Քայլում նույն հողի վրա, բայց տարբեր գին վճարում: Մենք նման ենք իրար, Եվ նույնքան տարբեր: Տարբեր կյանք ունենք, Տարբեր ճակատագրեր: Բայց նույն Աստվածն է բոլորիս ստեղծել: Մեր նախահայրը Ադամն է եղել, Իսկ նախանյութը՝ հողից է սերվել: Մենք հարազատ ենք և նույնքան օտար: Եվ կար ժամանակ, երբ ատոմները մեր իրար են բախվել, իրար ճանաչել՝ նույն մատերիայի մասնիկն են կազմել: Բայց այսօր արդեն հեռու են դրանք: Եվ բաժանվեցին աշխարհները մեր: Տարբերակվեցին ճակատագրերը՝ Խիստ օտարացան մերձավոր մասնիկները: Մեր ճանապարհները հաճախ են խաչվում, Բայց գրեթե երբեք չեն միահյուսվում: Հարուստն իր անհոգ կյանքն է վայելում, Աղքատը՝ տանջվում, հոգսերից մաշվում: Մեկը շոկոլադը աղբամանն է նետում, Մյուսը՝ նույն տեղում մի կտոր հաց փնտրում: Մեկն այնքան շատ ունի՝ փողից անձրև է ստեղծում, Մյուսը անձրևանոցի պակասից է նեղվում: Մինչ գիտունը տքնաջան լուծում է փնտրում, Անգետը անընդհատ խնդիրներ է ստեղծում: Մինչ գինվորը անքուն սահմանն է պահում, Նախագահը անընդհատ կայծեր է բռնկում: Մեկին ազատության տենչանքն է տանջում, Մյուսին այն փչացնում, խելագար դարձնում: Մեկն ամեն ինչ ունի, բայց ոչինչ չի տեսնում, Մյուսն՝ անգամ անտեսանելի է տեսնում:

Մեկը կոտրվում է մի նետված քարից, Մյուսն իր մեջքին ժայռեր է շրջում: Գուցե մեկը, ով ժպտում է դեմքիդ, Մեջքիդ հետևում ծուղակ է շինում: Գուցե մռայլ, դժգոհ մեկ ուրիշն էլ, Հենց այդ ընկերոջ ծուղակն է քանդում: Մարդիկ տարբեր են՝ անկանխատեսելի, Իրար շատ նման, բայց խիստ յուրօրինակ: Մենք նույն մոլորակից ենք բայց տարբեր աշխարհներից:

Փռչիացած անուրջներ

Կուզեի երևակայությունը մի օր իրականություն դառնար, Եվ այն ճանապարհը, որ օրերով անցանք, Թռչիքային արագությամբ մեզ տուն հասցնեք: Հարազատ սարերը մեզ դիմավորեին: Եվ ուրվականները քաղաքը լքեին: Ու դիմակ հագած, կերպարանափոխված, Հազար ցավ տեսած, քաղաքները մեր լքված, վերականգնեին դեմքը վաղուց կորցրած: Երկնքի ֆոնին, որպես հաղթանակ, Ծածանվեք դրոշմ մեր արցախյան: Գմբեթին կրկին Սուրբ Խաչը փայլեր, Եկեղեցու զանգն էլ, մեզ էլի տուն կանչեր: Կուզեի քարը քարի վրա դրվեր, Ու տունը ավերված կրկին շինվեր, Գյուղ-քաղաքները մեր նորից շենամային: Խաղա՛ղ, անմոռաց գիշերային երկնքի տակ, Վառվեին լույսերը վաղուց անջատված: Եվ աչք շոյեր պատկերն այդ հիասքանչ: Փռչիւն չբանար մեր տան սեղանից: Տաք թեյի բույրը տան օդ օծեր: ... Ես տանը լինեի այդ ժամ անպայման, Այդի գմայի և ըմբռնվեի օդը մեր հարազատ: Թթնու ծառից ճոճանակ կախեի Եվ փռչիացած հուշերը իմ վառ այդ օրն անպայման կենդանանային:

Սեզ սարերը սպասում էին դեռ

Մի գարուն էլ անցավ, գնաց, Սեզ սարերը գմրուխտ հագան, Մեր պտղատու այգիները, Ամեն տեսակ ծաղիկ առան, Ջարդարվեցին, պծնվեցին, Բերք-բարիքի բուրմունք առան: Կարծես կրկին՝ լեռները մեր Հարսանիքի էին սպասում, Սպասում էին Դազանչեցոց՝ Մեր սուրբ վանքի զանգ-դողաճնի, Որ մեր Շուշվա վեհ բարձունքից, Իր կանչերով հնչեղ ու հին՝ Մի նոր սկիզբ էլ կազդարարեր: ... Սպասում էին հարսնացուին, Ով շփոթված ու տառապած, Դարդ ու ցավից արցունքոտված, կոտորածի բիրտ բույրն առած, Ստիպված լքեց սարերն իր հարազատ: Սպասում էին փեսացուին, Որն այդ դաժան, մութ օրերին՝ Իր զենքն առավ, դիրքեր գնաց,

Ու խոստացավ, որ հետ կգա.... Գուցե մի օր իրոք կգա: ... Այգիները մեր զարդարված՝ Սպասում էին կարծես կրկին: Կարծես, նորից մանուկները Խինդ-ծիծաղով չարաճճի, Բերք քաղելու էին գալու: Ու երկինքն էլ խաղաղ էր այնպես, Մեր մանկության հին օրերի պես, Կարծես մա չէր, որ փլվել էր Պատերազմի սուր հարվածից, Կարծես մա չէր, որ զրկվել էր Թռչունների մեղմ դայլայլից, Կարծես մա չէր, որ ողբագին՝ չար ոսոխի ձեռքով կրկին, հուր-կրակ էր թափում մեր գլխին: ... Ջիճջ, աստղազարդ երկնքի տակ, Մեն-միայնակ, տոկուն կանգնած՝ Տատն ուՊապն էլ սպասում էին դեռ... Կարծես մի օր, ախավասիկ «Բարի գալուստ մեզ կասեին»....

Ճակատագիրը մեզ իրարից հեռացրեց, Բախտի քամին էլ տարբեր ափեր քշեց, Կյանքը պայքարել մեզ սովորեցրեց, Դարդը՝ դիմանալ, Ցավը՝ հասկանալ, որ կույր աշխարհում Ամեն մեկը լույս Իր խղճից զատված՝ Միշտ շահն է փնտրում: Մի օրում հանկարծ, Տունը՝ տաճար դարձավ, Երկիրը՝ անհաս դրախտ, Սև օրվա հացն էլ՝ երկնային մանանա: Սուր կորուստը մեզ դաժան դաս տվեց, Ու սովորեցրեց, որ Կյանքն անկնթառ է Ու կարճ է տևում, Այն, ինչ երեկ թանկ էր, Այսօր արժեք չունի, Իսկ այն, ինչ անտեսվում էր Այսօր կյանքի գին ունի: Մեր սրտից քամված արյուն-արցունքը՝ Մուգ թանաք դարձավ Կյանքի չեղքին: Մթում ցնորված, մեր ծով մտքերից՝ Գիշերն էլ սկսեց տողեր թելադրել: Եվ այսպես ծնվեց պոետը խավարում:

Միշտ արձագանքող մի Հզոր ծայն կա հայոց լեռներում: Խիստ ոգեշնչող, հոգին պարուրող, Միտքը արթնացնող, սիրտը հագեցնող, Մեր պարտքի մասին մեզ միշտ հիշեցնող՝ մի հզոր ուժ կա գմրուխտ սարերում: Իրենց դարավոր կյանքի ընթացքում՝ մեր հաղթանակի ու մեր պարտության անխոս վկան են նրանք միշտ եղել: Գուցե հենց դա է վեհություն ծնել, որը հպարտության առիթ է դարձել, պատմությունը շարունակելուն՝ իմաստ հաղորդել, Կորցրածը վերադարձնելու երազանքը ստեղծել:



ՕԳՏԱԿԱՐ Ե ԻՄԱՆԱՆ

ԱՐԴՅՈՒՔ ԱՐԴՅՈՒՆԱՎԵՏ ԵՆ ՄՏԱՏԻԿԱԿԱՆ ՎԱՐԺՈՒԹՅՈՒՆՆԵՐԸ

Արամինը մարզելու տարբեր համակարգերի մեջ գոյություն ունեն ստատիկ վարժություններ, որոնք սիրված են շատ մարզվողների կողմից, քանի որ «ծզում են» ամբողջ մարմինը՝ աշխատանքի կոչելով մկանների հիմնական խմբերը:

Ստատիկ վարժությունները կիրառվում է ֆիթնեսում: Դրա տակ հասկանում են այն ծանրաբեռնվածությունը, որի դեպքում մկանը (կամ մկանները) պահպանում է որոշակի երկարություն: Այսինքն՝ մկանը ծանրաբեռնվում է, բայց չի կծկվում. չի մեծանում եւ չի փոքրանում, ինչպես օրինակ՝ դիմամիկ վարժությունների կատարման ժամանակ: Ստատիկ վարժությունները շարժում չեն պահանջում, դրա համար էլ այդ վարժություններն անվանում են նաեւ իզոմետրիկ:

Սկանային մանրաթելերը լինում են դանդաղ եւ արագ: Արագ (կամ սպիտակ) մանրաթելերը մասնակցում են ինտենսիվ դիմամիկ վարժությունների կատարման ժամանակ: Դանդաղ (կամ կարմիր) մանրաթելերը օգտագործվում են ստատիկ ծանրաբեռնվածության ժամանակ, որոնց առանձնահատկություններից մեկն այն է, որ որպես էներգիայի աղբյուր՝ դրանք գլխավորապես օգտագործվում են օրգանիզմի ճարպերը:

Դրանով է պայմանավորված մարզանքի ծրագրի մեջ այդ վարժությունների ներգրավմամբ ստացվող առավել արդյունավետությունը: Եթե նպատակ ունեք ֆիթնեսի միջոցով կարգավորել մարմինը, ապա ստատիկ վարժություններով (եթե օգտագործեք միայն սեփական մարմնի քաշը եւ գորգիկ, առանց լրացուցիչ սարքավորումների) արդյունքը կարող է ավելի արագ ստացվել:

Կա ուրիշ նպատակ, որին հասնելու համար եւս օգնում են ստատիկական վարժությունները: Դա դիմացկունության զարգացումն է: Այդ հատկությունը հատկապես արդյունավետ է մարզվում ստատիկայում հաճախ միաժամանակ աշխատող մկանների մի քանի խմբերի հաշվին:

Կարող են լինել որքան դիմամիկական, նույնքան էլ ստատիկական վարժություններ: Յուրաքանչյուր դիմամիկական վարժություն կարելի է վերածել ստատիկականի: Օրինակի համար դիտարկենք դասական կքանիստը: Ստատիկ ռեժիմով դա ել-

ման դիրքի ընդունումն է ամենացածր կետում կամ միստի առավելագույն ամպլիտուդի մեկ երրորդում, իսկ հետո այդ դիրքում մնալը (շուրջ մեկ րոպե) առանց լրացուցիչ քաշի: Սյուս տարբերակը «անկյունիկ» կոչվող վարժությունն է, որը նույնպես կքանիստ է, տարբերությամբ, որ մեջքը պետք է հենել պատին: Պետք է իջնել այնքան, մինչեւ որ ուղիղ անկյուն ստանանք ծնկների ծալվող մասում ու պահենք այդ դիրքը՝ մինչեւ կզգանք մկանների թեթևակի այրոց:

Եթե ձեզ հայտնի է միայն «պլանկա» (ծողիկ) վարժությունը, ուրեմն կարելի է բազմազանություն մտցնել այդ վարժության տարբերակների մեջ: Օրինակ՝ կատարել կողային «պլանկա» կամ հակառակ «պլանկա», որը նշանակում է հենվել ափերի վրա մեջքով դեպի հատակը: Դրանից բացի կա-



րելի է փորձել հետելյալ վարժությունները.

«Անկյունիկ» նստած:

Այս վարժությունը կատարելու համար պետք է նստել հատակին, բարձրացնել ոտքերը 45° անկյան տակ, իսկ ձեռքերը ձգել առաջ: Մեջքը ուղիղ պահել:

«Նավակ»:

Փորի վրա պառկած դիրքում ձեռքերը պարզել առաջ, բարձրացնել ոտքերն ու



ձեռքերը միաժամանակ եւ պահել այդպես որոշ ժամանակ:

Ստատիկական ծանրաբեռնվածության օրինակներ կարող են լինել յոգայում կատարվող շատ վարժություններ, մասնավորապես «զինվոր 1» եւ «զինվոր 2» վարժությունները: Ուժային վարժությունները նույնպես կարելի է լրացնել ստատիկական ծանրաբեռնվածությամբ: Կատարելով բիցեպսի ծալում դիմամիկայում, կարող եք ավելացնել ծանրաձողի կամ զանտելի պահում մոտ 90° անկյան տակ: Ստատիկական ռեժիմը կարող է օգտագործվել նաեւ ճկունությունը զարգացնելու համար կատարվող մարզանքի ժամանակ:

Ստատիկական վարժությունները կատարելու համար պետք է հետեւել կանոններին: Սկզբում պարտադիր է նախապարժանք կատարելը, որից հետո միայն կարելի է ստատիկ վարժություններին անցնել: Առաջին հերթին անհրաժեշտ է նախապատրաստել մարմինը, տաքացնել այն, ձգվել դիմամիկական ռեժիմով: Այնուհետեւ կարգավորել շնչառության տեմպը, որպեսզի ստատիկ ժամանակ շունչը չպահիկ ու ազատ շնչելու հնարավորություն լինի:

Զգուժման կատարելը կարելու է: Նրանք, ովքեր սիրում են ստատիկական վարժություններ, պետք է հաշվի առնեն, որ դրանք նվազեցնում են մկանների ճկունությունը: Այն ստատիկական վարժությունները, որոնք զարգացնում են ճկունությունը, այլ կերպ են աշխատում: Այդ դեպքում մկանները պահվում են արդեն իսկ երկարացված դիրքում, ինչն էլ թույլ է տալիս բարելավել ձգվածությունը:

Վնասվածքավտանգության պրոֆիլակտիկայի համար կարելու է ստատիկայից հետո կատարել ձգումներ: Դա հնարավորություն կտա վերականգնել մկանները, նորից ակտիվացնել արյան շրջանառությունը, նվազեցնել ոչ այնքան հաճելի զգացողությունը, որն առաջանում է ստատիկ լարվածության արդյունքում: Այդ նույն պատճառով էլ ավելի լավ է հերթափոխել ստատիկ եւ դիմամիկ վարժությունները, այլ ոչ թե կառուցել մարզանքը միայն ստատիկ վարժությունների վրա:

Շարունակականություն: Ստատիկական վարժությունների կատարման համար ամեն



նաօպտիմալ ժամանակը 40 վայրկյանից մինչեւ 1 րոպե պահելն է: Անհատական առանձնահատկություններից կախված՝ այդ ժամանակը հնարավոր է ավելացնել կամ նվազեցնել:

Չակացումներ: Ստատիկական վարժությունները չեն երաշխավորվում այն մարդկանց, ովքեր ունեն սիրտ-անոթային համակարգի հետ կապված խնդիրներ, օրինակ՝ բավականին բարձր զարկերակային ճնշում: Նման դեպքերում ստատիկ վարժությունների կատարման ժամանակ սրտամկանը կարող է գերլարվել ու առաջացնել առիթմիա: Ստատիկական ծանրաբեռնվածությունը պետք է թոթափել, եթե առաջանում են խփոց գլխում, քունքի շրջանում բաբախումներ, աղմուկ ականջներում, գլխապտույտ:

Ավել քաշի դեպքում ստատիկ վարժությունը չպետք է կատարել՝ պահելով այն ավելի քան 40 վայրկյան: Ավելի լավ է կատարել վարժություններ նստած կամ պառկած ելման դիրքից:

Բոլոր դեպքերում կարելու է ստատիկական վարժությունները համապատասխանեցնել անհատական առանձնահատկություններին՝ ընտրելով մարմնի համար առավել անվտանգ վարժություններ: Իհարկե, ավելի լավ է դրանք կատարել մարզչի օգնությամբ: Բայց եւ զգույշ մոտեցման դեպքում ինքնուրույն մարզումները նույնպես դրական արդյունքը չեն բացառում:

Սոնյա ԱՎԱԳՅԱՆ

Արցախի բանախյուսությունը

ԱՍՈՒՅԹՆԵՐ

Սկիզբը՝ նախորդ համարներում

354. Անն Զուրին, ծաղկե Փյունին:- Անի Զուրին, ծաղկի(վայելի) Փյունին:

355. Էշին ըրած, ծիին կերած:- Էշի աշխատած, ծիու կերած:

356. Մոշը հըսնելավ սրվանում ա, մազը՝ սիպտակում:- Մոշը երբ հասնում է, սևանում է, մազը սպիտակում:

357. Ծակ վըղորումը ճյուր չի կենում, ծակ կըլխումը՝ խելը:- Ծակ դուլումը ջուր չի մնում, ծակ գլխումը՝ խելը:

358. Խոխան հորավը եթիմ չինի, մորավը եթիմ կըինի:- Երեխան հորով չի որբ լինում, մորով է որբ:

359. Աշուղեն խաղը վըր պրծնում ա, նեյնիմ-նեյնիմն ա ըղնում:- Աշուղի խաղը երբ վերջանում է, նեյնիմ-նեյնիմն է ընկնում:

360. Օգուժ ըս շալվար կյենաս, վեռետ մի չի կյա՝ - Ուզում ես շալվար հագնել, հետույքիդ չկաչի՞:

361. Ծյունին տակեն յեխտը կյարունքը պեց կըինի:- Չյան տակի կեղտը գարնանը կբացվի:

362. Չիմավ հոնձ անողը, սամավ էլ հոնձ կանե:- Մանգաղով հունձ անողը սամնով էլ կինձի:

362. Վրեննըտ յորդանըտ ըգյորա մեկնե:- Ուտը վըրմակիդ չափով մեկնի:

363. Կյառնը կյուլին պահ չըն տալ:- Գառը գայլին պահ չեն տա:

364. Մընծ-մեծ տըներ, տուզը՝ չըներ:- Մեծ-մեծ տներ, քաղցած չներ:

365. Շատ ծըծաղեն վըրջը լաց կըտեմա:- Շատ ծիծաղին վըրջը լաց կլինի:

366. Ուրուշու ծին եր ինողը ճելի վըր կըկյա:- Ուրիշի ծին մատողը շուտ կիջնի:

367. Էծին քամակն ա պըեց, վըխճարեն հավան չի կըենում:- Այծի քամակն է բաց, ոչխարին չի հավանում:

368. Կոտրած քըթույու մման խուսկեն մաչը չըն ըղնել:- Կոտրած գդալի մման խոսքի մեջ չեն ընկնի:

369. Կըկողան մին տյուս կըկյա, պընդան՝ երկու:- Կակուղից մեկ դուրս կգա, պինդից՝ երկու:

370. Ծոխը ամեն հուրթավ էլ եր կընցնե:- Ծոխը ամեն երդիկով էլ կբարձրանա:

Շարունակելի

Աղելա/Արշալույս/ ՍԱՐԳՍՅԱՆ

«ՀԱՐՍԱՆԻՔ ԼԵՈՒՆԵՐՈՒՄ»

7

Նկարը պարունակում է խորապես խորհրդանշական գաղափարներ: Երկնքի դեղնավարդագույն երանգները խորհրդանշում են



կամ պայքարի խորհրդանշիչ: Այն հստակ ուղերձ է. կանայք ոչ թե պետք է պարզապես դրոշ հանձնեն տղամարդկանց ու ճանապարհեն նրանց անմասպասված արշալույսը՝ հայրենիքի վերածննդի և վերադարձի հույսի խորհրդով:

Երկնքում սլացող երեք ծիծեռնակները մարմնավորում են Զույսը, Զավատը և Սերը առ հայրենիք: Դրանք այն ուժերն են, որ առաջնորդում են դեպի ազատություն ու վկայում սպասված ավետի մոտալուտ լինելը: Կարմիր կակաչները խորհրդանշում են համուն հայրենիքի թափված արյունը՝ անմոռանալի զոհաբերության վկայություն: Զարսնացուի գինվորական հանդերձը դառնում է միասնա-

րում վերագտնված երջանկությունը:

Մարիա ԲԱԲԱՅԱՆ

ՀԱՐՍԱՐԱՐ

ԽՍԲԱԳԻՐ՝
Ս. ԽԱՉԱՏՐՅԱՆ

Հիմնադիր՝
«Լուսարար»
կրթամշակութային ՀԿ

✉ ք.Երևան,
Անտառային փ. 188/16 ☎ 097-22-38-27
E-mail: gorctert@mail.ru: www.lusarar.info

Մեջբերումների եւ փաստական տվյալների ստույգությունն ապահովում են հեղինակները: Թերթը ընթերցողների հետ գրագրություն վարելու պարտավորություն չի ստանձնում: Թերթը վաճառքի ենթակա չէ:

Տպագրվում է «Լիմոշ» ՍՊԸ տպարանում:
Ծավալը՝ տպագրական 2 մամուլ:
Տպաքանակ՝ 500
Ստորագրված է տպագրության՝ 28.08.2025թ.: